



長文書名者集

貞

^ 16
2560
4



古文未曾有集卷七

武林王甫白艸堂評選

乞巧文

柳子夜歸自外庭有設祠者。饗餌馨香。蔬果交羅。插竹垂綬。剖瓜犬牙。且拜且祈。怪而問焉。女隸進曰。今茲秋孟七夕。天女之孫。將嬪於河鼓。邀而祠者。幸而與之巧。驅去蹇拙。手目開利。組紕縫製。將無滯於心焉。為是禱也。柳子曰。苟然歟。吾亦有所大。

西泠杜 炳星如

西泠鄭廷見石簣

岡州區瑞圖洛川重校

柳宗元

全訂



16  
2560  
4

拙倘可因是以求去之乃纓弁束衽促武縮氣旁趨曲折偃僕  
將事再拜稽首稱臣而進曰下士之臣竊聞天孫專巧於天輶  
輻璇璣經緯星辰能成文章黼黻帝躬以臨下民欽聖靈仰光  
耀之日久矣今聞天孫不樂其獨得貞卜於元龜將蹈石梁歎  
天津儼於神夫於漢之濱兩旗開張中星耀芒靈氣翕歛茲辰  
之良幸而彌節薄遊民間臨臣之庭曲聽臣言臣有大拙智所  
不化醫所不攻威不能遷寬不能容乾坤之量包含海岳臣身  
甚微無所投足蟻適於垤蝸休於殼龜龜螺蚌皆有所伏臣物  
之靈進退唯辱彷彿為狂局束為諂吁吁為詐坦坦為忝他人

有身動必得宜周旋獲笑顛倒逢嘻已所尊跪人或怒之寢情  
徇勢射利抵巇中心甚憎為彼所竒忍仇佯喜悅譽遷隨胡執  
臣心常使不移反人是已曾不惕疑貶名絕命不負所知扑嘲  
似傲貴者啓齒臣旁震驚彼且不恥叩稽匍匐言語譎詭令臣  
縮息彼則大喜臣若效之瞋怒叢已彼誠大巧臣拙無比王侯  
之門狂吠狴狂臣到百步喉喘顛汗睢盱逆走魄遁神叛欣欣  
巧夫徐入縱誕毛羣掉尾百怒一散世途昏險擬步如漆左低  
右昂鬪冒衝突鬼神恐悸聖智危慄泯焉直透所至如一是一獨  
何工縱橫不恤非天所假彼智焉出獨嗇於臣恒使玷黜齋齋

驚○驚○恣○口○所○言○迎○知○喜○惡○默○測○憎○憐○搖○脣○一○發○徑○中○心○原○膠○如○  
鉗○夾○誓○死○無○遷○探○心○扼○胆○踊○躍○拘○牽○彼○雖○佯○退○胡○可○得○旃○獨○結○  
臣○舌○啗○抑○銜○冤○孽○背○流○血○一○辭○莫○宜○胡○為○賦○授○有○此○奇○偏○炫○耀○  
為○文○瑣○碎○排○偶○拙○黃○對○白○唵○呀○飛○走○駢○四○儷○六○錦○心○繡○口○宮○沉○  
羽○振○笙簧觸手觀者舞悅誇談雷吼獨溺臣心使甘老醜豎昏○  
莽○鹵○撲○鈍○枯○朽○不○期○一○時○以○俟○悠○久○旁○羅○萬○金○不○鬻○弊○帚○跪○呈○  
豪○傑○投○棄○不○有○眉○嶺○頰○蹙○喙○唾○胸○歐○大○赧○而○歸○填○恨○低○首○天○孫○  
司○巧○而○窮○臣○若○是○卒○不○余○畀○獨○何○酷○歟○敢○願○聖○靈○悔○禍○矜○臣○獨○  
艱○付○與○姿○媚○易○臣○頑○顏○鑿○臣○方○心○規○以○大○圓○拔○去○訥○舌○納○以○工○

言○文○詞○婉○軟○步○武○輕○便○齒○牙○饒○美○眉○睫○增○妍○突○梯○卷○鬢○為○世○所○  
賢○公○侯○卿○士○五○屬○十○連○彼○獨○何○人○長○享○終○天○言○訖○又○再○拜○稽○首○  
俯○伏○以○俟○至○夜○半○不○得○命○疲○極○而○睡○見○有○青○袖○朱○裳○手○持○絳○節○  
而○來○告○曰○天○孫○告○汝○汝○詞○良○苦○凡○汝○之○言○吾○所○極○知○汝○擇○而○行○  
嫉○彼○不○為○汝○之○所○欲○汝○自○可○期○胡○不○為○之○而○誑○我○為○汝○惟○知○恥○  
諂○貌○淫○詞○寧○辱○不○貴○自○適○其○宜○中○心○已○定○胡○妄○而○祈○堅○汝○之○心○  
密○汝○所○持○得○之○為○大○失○之○汗○卑○凡○吾○所○有○不○敢○汝○施○致○命○而○昇○  
汝○慎○勿○疑○嗚○呼○天○之○所○命○不○可○中○革○泣○拜○欣○受○初○悲○後○懌○抱○拙○  
終○身○以○死○誰○惕○

老實存集卷七  
庸俗之巧。達人。不取。達人之巧。庸俗不知。又何俟。乞靈。霄漢。以除。蹇拙。雖然。吾竊。悲世之人。偃。僕。求乞。無已。時也。豈。特。七。夕。爲。然。哉。

却巧文

有引

王達

昔柳儀曹製乞巧文千載之下。鐵厓亦嘗擬之矣。余讀一文。感而作却巧。然井窺管見。其敢追踵前賢哉。姑自釋其懷抱耳。

歲惟壬辰。七月之望。王子潛居。訂訂弗懌。適冷風颯然。月綻雲。拆桐籬。薦秋露。花凝夕。有一嬋娟。歛泄吾席。析析步搖。灩灩繁。飾。睨王子而言曰。吾天女之孫也。職司天巧。式利下民。禱吾者。泰。昔吾者。屯。趨吾者。富。違吾者。貧。吾久聞子多。艱。少文。吾實恤。子來濟。子身汝或不憚。吾悉汝陳。王子竦肩。歛踵。覩覩恣恣似。

夢非夢。謂神非神。蒲伏而言曰。臣固拙矣。敢不願聞。天孫整裾。端坐。愜然曰。噫。人生兩間。孰弗冀通。今子弗克。巧進自貽。醜窮。不師詭遇。祇業專攻。末塗嚼沓。龐言滋豐。技夸鬼馘。計逞狙公。鳥翼蛇躩。蜂聚蟻同。託根魏柯。名曰宛童。俾不曲合。焉致斯崇。路欺握雉。祝天祛蟲。陽縱陰戢。內傾外融。憎陋忻媮。人心攸同。讐俗質世。譎行迂蹤。季子由是而貴。曲逆由是而封。子不聞歟。矧乎妙奪工倕。紆行曲施。能若是者。庸無不宜。前邀後障。左繩右規。笑浣微露。戲焚玉麩。錦心繡腹。侮書嫚詩。啓喙成訟。轉趾微疵。予予奪奪。是是非非。顛倒縱橫。起滅提榘。倚天枝地。斷蛟

刺。屎藻葩綴。縵陟降。驅馳氣。劇屈子曰。短相如。諸侯見。構豪族。爭儲一譽。可喜一毀。可悲致顯。若此。汝奚不爲。今子譏吃。頰顏沉吟。支頤窮鄉僻地。運日以奇。我今告汝。汝應繙思。汝不改徹。焉能救。而夫騏驎捕鼠。弗逮狂狸。吾將錫子。語。甯助子。嘲。機。納子之黠。驅子之痴。詎不偉哉。王子曰。臣聞驚馬安步。麒麟踟躕。各有攸得。奚畏奚憚。良玉渾然。烏事刻琢。馬安善宦。倪寬樸學。寧爲拙傷。毋爲巧誣。岐殊術異。彼此相角。沾沾求容。栩栩強語。手擎足旋。神辱志沮。我嗟其人。汨此靈府。命栖檢竿。躬壘游弩。蒿目蓬心。臣實取天孫。噓然笑曰。井蛙不見東海。螻蛄不知

春秋弗職。冥樞弗察。芳猷圓柄。方鑿事恒。弗投毀方。瓦合情不。知謀耳與。目敵心與。身讐么麼之技。自務寡儔。汝不思變。吾實汝羞。汝今絳宮弗懲。王堂弗憂。攻苦敷澹。庭如楚囚。匪徒恥之。吾實悲之。匪徒悲之。吾實悼之也。王子又蒲伏而謝曰。天孫之心。固仁矣。啓臣之智。固備矣。然強哭者。雖疾不哀。強歡者。雖笑不妍。生龜脫箠。顧非自然。危鶴斷脛。乃違厥天。機械藏心。神德不全。夫巧者言拙者默。巧者勞拙者逸。巧者賊拙者德。巧者凶拙者吉。此先正之格言。敢弗服膺而警惕。於是天孫嘉然。冥逝茫無所得。出門視之。但見繁星麗天。萬里一碧。

巧為拙奴人何以乞為哉却之當矣第恐拂其盛意復蹈不恭奈何

送窮文

有引

韓愈

昔高陽氏子好衣敝食糜宮中號為窮子其後正月晦日恭死是日世俗極承作糜棄破衣祝於巷曰除貧也愈以屢窮不遭時故托此以見志

元和六年正月乙丑晦主人使奴星結柳作車縛草為舡載糗輿糗牛繫輓下引帆上檣三揖窮鬼而告之曰聞子行有日矣鄙人不敢問所塗竊具舡與車備載糗糗日吉時良利行四方子飯一孟子啜一觴攜朋挈儔去故就新駕躡曠風與電爭先子無底滯之尤我有資送之恩子等有意於行乎屏息潛聽如



聞音聲若嘯若啼。善歛嘍嚶。毛髮盡豎。竦肩縮頸。疑有而無。久  
乃可明。若有言者曰。吾與子居四十年餘。子在孩提。吾不子愚。  
子學子。耕求官與名。惟子是從。不變於初。門神尸靈。我叱我呵。  
包羞詭隨。志不在他。子遷南荒。熱燥濕蒸。我非其鄉。百鬼欺陵。  
太學四年。朝華暮鹽。惟我保汝。人皆汝嫌。自初及終。未始背汝。  
心無異謀。口絕行語。於何聽聞。云我當去。是必夫子信謠。有間。  
於予也。我鬼非人。安用車。舡鼻。鼻臭香。糗。糗可捐。單獨一身。誰  
爲朋儔。子苟備知。可數已。不子能盡言。可謂聖智。情狀既露。敢  
不迴避。主人應之曰。子以吾爲真不知也。耶。子之朋儔。非六非。

四在十去五滿七除二各有主張。私立名字。捩手覆羹。轉喉觸  
諱。凡所以使吾面目可憎。語言無味者。皆子之志也。其一。名曰  
智窮。矯亢亢惡。圓喜方羞。爲姦欺。不忍害傷。其次。名曰學窮。  
傲數與名。摘抉香微。高挹羣言。執神之機。又其次。曰文窮。不專  
一能。怪怪奇奇。不可時施。祇以自嬉。又其次。曰命窮。影與形殊。  
面醜心妍。利居衆後。責在人先。又其次。曰交窮。磨肌戛骨。吐出  
心肝。企足以待。寘我仇寇。凡此五鬼。爲吾五患。饑我寒我。興訛  
造訛。能使我迷人。莫能間朝。悔其行暮。已復然。蠅營狗苟。驅去  
復還。言未畢。五鬼相與張眼吐舌。跳踉偃仆。抵掌頓足。失笑相

顧徐謂主人曰子知我名凡我所爲驅我令去小黠大癡人生  
一世其久幾何吾立子名百世不磨小人君子其心不同惟乖  
於時乃與天通攜持琬琰易一羊皮飲於肥甘慕彼糠糜天下  
知子誰過於予雖遭斥逐不忍子跋謂予不信請質詩書主人  
於是垂頭喪氣上手稱謝燒車與舡延之上座

山谷嘗跋此文謂出於楊子雲逐貧賦制度始終極相似然  
亦諧戲而語稍壯文彩過於逐貧以爲知言究之昌黎不  
終窮是可謂善送者矣

留窮文

桑悅

桑先生燕居讀書勺藥今古劃攝質真目營四海心搏入垠日  
隱崦嵫束帶正巾頃焉陰氣颯奕靈風襲人不見其形但聞其  
聲先生曰汝其眩黎邱拍延壽之鬼乎抑報趙興券齊伯之神  
乎胡爲至此也窮曰吾高陽之苗裔也生爲窮人死爲窮鬼覩  
生徵譴練人茲倚仲尼厄陳伏火七日子路慍見吾密侍側孔  
門高弟吾曾追隨憲也日親賜也日違孟軻受膳未與吾遇吾  
一往從萬鐘敝屣歷秦迨漢爰昵子雲糠粃翹舌翼草立文溯  
隋介唐又炙昌黎三千時宰吾擲其書子摩突逐我送我旋

悔○假○留○詛○已○遷○主○千○禩○獲○落○始○逮○先○生○先○生○嚙○嗽○吾○獻○藜○羹○先  
生○就○睡○吾○獻○曲○肱○長○爲○冷○官○竊○祿○升○斗○平○陽○草○鞋○宗○文○露○帝○侯  
巴○餒○詢○阿○段○反○口○悉○吾○操○縱○曾○不○我○咎○戀○子○旣○久○懷○而○愁○嗔○今  
決○長○往○永○辭○先○生○使○先○生○力○排○閭○閣○據○要○津○操○機○衡○以○潛○運○酒  
龍○雨○而○清○塵○不○亦○可○乎○先○生○曰○遺○珮○望○愛○宿○桑○留○情○矧○汝○吾○依  
幾○四○十○齡○喪○吾○陶○汝○汝○遇○退○征○豈○汝○爲○真○能○窮○我○而○恍○怔○耶○天  
地○萬○象○得○有○偏○全○貧○富○自○然○汝○豈○執○其○權○且○聞○堯○仁○如○天○不○冒  
無○涯○汝○於○是○時○在○其○土○階○禹○平○水○土○胼○胝○懋○功○汝○於○是○時○藏○其  
卑○宮○文○子○三○世○顯○相○齊○侯○汝○於○是○時○隨○其○傲○襄○司○馬○一○德○字○盼

海○內○汝○於○是○時○隱○其○布○被○是○汝○亦○達○者○之○儔○也○卽○或○捫○馬○生○角  
厲○水○逢○槎○天○衢○陟○升○姚○遂○太○階○亦○欲○偕○汝○濯○垢○清○瑕○恬○澤○咳○極  
彤○管○添○花○而○況○張○漁○網○以○索○驥○設○兔○罝○以○求○魴○終○織○薛○荔○以○爲  
服○咀○英○芝○以○爲○糧○則○擇○汝○棲○身○之○域○終○老○之○場○又○何○必○舍○吾○貴  
府○之○安○宅○而○別○求○無○有○之○鄉○哉○窮○乃○歌○曰○大○貴○非○軒○冕○大○富○匪  
金○玉○兮○衆○人○曰○窮○君○子○足○兮○延○吾○土○座○先○生○獨○兮○遂○安○留○不○復  
去○  
非○道○貧○賤○君○子○不○去○是○文○深○得○斯○旨○

富貴主人文 有引

昔人逐貧送窮之作皆以貧鬼致辭謹訶不少貨而富鬼則不及焉孫樵逐痞鬼文列四鬼之目曰誚鬼曰矯鬼曰巧鬼曰錢鬼是四鬼者皆富鬼之族類儔黨也樵既知富鬼之情狀而擬諸其形容矣又欲招之以交富鬼故不好交幾其與子墨作緣亦值甚矣乎余里居食貧峭獨自憇時聞大冠擲揄聊述其語為富貴主人文知富鬼之不可招故安於其責而不慙也意畧與樵反其辭曰

翰林主人索居暑夕月在南斗明河垂席雲物輕鮮人影單隻

倚伏徬徨瞻睇四壁有聲愀然若咳若啼而厲若愬而撻  
諠諠出出音聲四射傾聽不明掩耳逾噴曰余爲富鬼百鬼之  
王暫舍富室薄遊窮鄉過子之門有如琢冰門神冷落戶鬼凌  
兢八子之室徒有憂滿竈君辭突廁鬼去溷退筆成冢殘漏滿  
家傲不人後癖必人過撫已咄咄視天夢夢保此四極御彼五  
窮凡今之人莫如富厚百爾具瞻上帝所右鬼猶求食人胡弗  
走不親而懿匪昏而媾借其餘光逐彼遺臭彼翔我趨彼植我  
僕彼噉我甘彼灼我灸衍衍飲酒乞乞禦寇惟力是視違恤我  
後我有顏面無獲其皮劈皆析頰逢彼之宜彼笑未色我解其

願彼方曰咨我蹙其眉賜之餘瀝匍匐叩稽不比臣闕況乃等  
夷我有話言咨口岐舌鴟夷滑稽瀾翻轉折啞嚶啞伊附耳未  
絕陳見悃誠誓死流血退而屏人偶語憂憂轉喉似暗出氣復  
咽寄以富人入而後說爲臣則忠作婦斯誓齒牙輓轡骨節齧  
卷口承餘竅昏齒足汗尻高首下肩聳脇穿剝肉折俎剝膚肆  
筵見金則攫有恥必捐子不醜窮人誰子妍脂膏却潤捷徑辟  
先人敝官冷有地無權資人莠口博人鈍顏搖唇抹搯背面結  
鉗魯冠越葉夏楚冬懸咎譽遷隨彼何有焉富而可求伐柯有  
則彼其之子亦旣艾獲善事官長伺候顏色結交駟獮厭飫酒

食妻子縛慮僮奴并力如牛之耕如膾之賊囊積充物子貸滋  
植大冠如箕項領成飾鄉老稱愿兒童歎息子胡自苦坎懷失  
職用我之言易子之求迴馭弭節師彼前修雁鴛爲羣稻梁是  
謀擲揄屏息樓裂奚憂儻置筆札辭去交游願就幸舍爲子持  
籌主人聞之閔默隱几煩冤填臆唧嘈聒耳宿醉方醒夢寐未  
止回腸傷氣屏營徙倚曙光解駁晨露沾灑欠伸久之唏髮叩  
齒左顧丹鉛右命圖史忻忻樂康忘其所以富鬼喟曰不可爲  
矣撫膺高蹈不顧而起  
君子固窮達人知命鬼雖揄揄何足與較

逐店鬼文

孫樵

孫子病店其友踵門請曰始則慄縮撼懷有若仆子於嚴冰者  
終則憤胸爍肌有若冥子於烈爐者子知動作皆鬼耶余試爲  
了逐之以文樵應之曰余病誠鬼也然樵居平亦有不自了事  
者抑有鬼乎樵嘗思委質以事君則有若刳心而死者立於旁  
曰當如此諫樵嘗思入於危難則有若結纓而死者立於旁曰  
當如此忠樵嘗欲不固其窮則有若拜拒饋粟者立於旁曰當  
如此廉樵嘗欲苟違其期則有若擁梁汨死者立於旁曰當如  
此信樵嘗欲與人美言則有若教予評談而鯁人耳者樵嘗欲

與○人○市○交○則○有○若○教○予○違○熱○而○去○勢○者○樵○嘗○欲○趨○權○豪○以○冀○得○  
則○有○若○牽○予○裾○而○躡○予○足○者○樵○嘗○欲○忍○汗○赧○以○自○媒○則○有○若○縛○  
予○舌○而○膠○予○口○者○予○之○不○得○專○也○如○此○以○故○學○勤○而○吾○道○愈○窮○  
業○修○而○知○已○日○消○是○殘○吾○生○於○店○鬼○也○子○并○為○我○逐○之○吾○聞○有○  
陳○萬○年○者○射○利○乘○機○邈○顏○作○怡○愉○愉○便○便○阿○意○奉○歡○死○而○有○靈○  
是○為○誣○鬼○此○鬼○依○人○使○人○蒙○福○人○見○輒○喜○擺○去○不○得○復○有○公○孫○  
宏○者○尅○已○沽○名○飾○情○釣○聲○內○苞○禍○心○外○示○舒○宏○死○而○有○知○是○為○  
矯○鬼○此○鬼○憑○人○使○人○有○聞○上○信○於○君○下○喜○於○民○復○有○司○馬○安○者○  
攘○義○盜○仁○縛○舌○交○唇○柔○聲○婉○顏○狐○媚○當○權○死○而○有○靈○是○為○巧○鬼○  
此○鬼○依○人○辭○枯○卽○榮○長○劍○華○纓○高○步○天○庭○復○有○和○長○輿○者○鉅○萬○  
藏○家○貫○腐○鏽○磨○鱗○差○蝸○縮○陣○陣○腥○澁○死○而○有○知○是○為○錢○鬼○此○鬼○  
憑○人○使○人○氣○豪○意○適○交○歡○販○祿○買○曲○成○直○此○四○鬼○者○苟○與○吾○遊○  
吾○必○快○所○求○是○資○吾○生○於○他○鬼○也○子○并○為○我○招○之○其○友○不○對○退○  
而○歌○曰○窮○吾○知○其○所○羞○達○吾○知○其○所○求○此○不○當○逐○而○彼○不○當○遊○  
君○乎○君○乎○誠○有○激○乎○中○乎○吁○  
前○鬼○當○親○招○之○不○來○後○鬼○當○逐○麾○之○不○去○樵○反○其○辭○有○感○而○  
發○

送疥鬼文

有引

程敏政

程子臥凝曦之榻病疥二月不愈或曰疥有崇焉宜禳之乃作送疥鬼文

以殮居士端居私室心鬱志悒若疾若瘡發四肢實蕃且密巨首蜂屯細如蟻集蔓衍支分薦經遍歷療之愈熾治之弗息肉潰皮腐伊咎莫識乃召烏有先生詢諸秦箴士囊解韜揲如古制變及十八遇屯之萃其繇曰匪倪之疹匪耄之癩人而獲之罔有害祛厥光怪疾良差烏有先生覲偶愈奇投策擗袂俯而俛嘻曰是疥鬼也為瘡為瘍有或罹焉悔詎可當載祆載禳



可以無殃。居士曰：唯請製告辭，速俾召走。崇羞薦扈，束芻載糗。餞而贈之，其辭曰：嗟爾疥鬼兮，勿窺我廬。窓明几淨，有圖書。在楹兮，茶在樞爾。宜遠遁莫踟躕，嗟爾疥鬼兮，勿棲我榻。泉布。渺分純綺，乏蠶善戕。仁帝汝罰爾，宜遠隨莫我狎。嗟爾疥鬼兮，莫憑我身。佩有韋兮，書有紳。嚮福威極於惟神，爾宜遠遁莫我親。嗟爾疥鬼兮，勿依我腹。經藏笥兮，玉韞匱。中有鑿鹽非梁肉，爾宜遠遁莫我逐。嗟爾疥鬼兮，勿戕我手。干將莫邪，繫爾肘。誓殲大憝，斲羣醜。爾宜遠遁莫我守，嗟爾疥鬼兮，莫殘我足。遊有方兮，出必告履。芳蹈烈踵前躅，爾宜遠遁莫需促。告畢，乃藝楮。

帛乃奠漿水，有獐其鬼。來自燈底，倏隱忽顯。西徙東倚，初遐漸邇。可辨形體，頰髮紺顏。含悲茹喜，欲止載趨。將進復已，鼓掌而歌曰：嗟夫子兮，見尤我何之兮。廣陸修壘，深嵐重兮。山木樛別，夫子兮。我心憂再歌曰：繫夫子兮，見疾我焉。往兮道路，逖獭斷。厲嗥兮。鼻夜泣去，夫子兮。渺何極言竟，歌闕跳梁而前。謂既我遣，我復何言。披裘瀝悃，願終白焉。夫疥者介也，聖哲攸貴以鯁。為參以清，為倅剛其合德。廉其同類，不取不予。伊摯之疥也，三公不易。展禽之疥也，臣忠子孝。尼父之疥也，出爾入爾。子輿之疥也，吾輩無禍於人。有益夫人以匡，以裨曾不見齒。凡使夫子

髮不暇櫛身不暇沐志專心一朝吟夜讀貫經穿史出聃入竺  
皆我之爲也其名曰輔學之疥凡使夫子庸衆絕交幽閨獨處  
足不他出身無妄與心寧欲空循獲蹈矩皆我之爲也其名曰  
却身之疥凡使夫子寢必反側食不甘美衡慮困心空身乏體  
藏華斂鐔待時而起皆我之爲也其名曰迂榮之疥且夫子少  
艾遊巴暨渝吾輩相從敢離須臾思啓行翼默相陰扶敢使大  
子譽實相符文藻煥發聲華孔敷從徵膺聘凌颺清都今既見  
疏敢不就途但懼夫子居索勢孤幸其省諸毋失良圖居士曰  
噫子言之疥無僭無忒吾與人同其誣敢別吾送之疥爲茲爲

尤人非物議吾不汝留吾願二三子者相予於宿冥之野從予  
於空同之區凶避吉趨利興害除私淑我身匪憂匪虞則我受  
貺尙何喋與於是三人者赧然而逝焮然而休聲銷影滅欲見  
無由越及明日居士疾瘳

周禮云夏有痒疥蓋水沴火也此乃皮毛之疾不足爲慮有  
識者當除心腹之患

天官百集  
卷之十

七

祛倦鬼文 有引

申時行

歲丙辰久荒於嬉將理業焉手稿一編輒復困倦倦則復廢  
 書如是者累月昔人云精強則神輔之困憊則鬼入之是誠  
 有倦鬼耶柳罵三尸韓逐五窮良有激也矢文以祛之詞口  
 噫吾語汝大塊委蛻洪鈞鑄形孕精毓秀焉生斯人攝以陰陽  
 調以五行充以元氣運以元神戴圓履方含聰蓄明壯以眩股  
 利於屈伸五官奉職福壽康寧昔在神禹胼胝如錯亦越姬文  
 晏朝及昃公旦凡几夜以繼日宣父皇皇不寢忘食彼誠至人  
 爾不能人予獨何辜爾不相恤維爾之來默默冥冥非虺非螫

無狀無聲不寢而夢不醉而醒不疾而疲不歎而呻若浮雲而  
未墜若負重而莫勝入人之首倏焉如兀欲作更俯求昂反屈  
若南郭子俛几而坐北宮子喪志而出入人之目若眩五色注  
睫欲昧回瞬成黑如昌黎之昏花步兵之眼白入人之手如攀  
如繼將掉臂而徙倚欲撫掌而離披墜何郎之筆落司馬之杯  
人人之足如糾如纏欲舉武如超乘比寸步於登天李白安能  
脫靴於內陞謝安何以曳屐於東山至若青箱浩曠玉筍陳編  
講不能句讀未終篇惟爾一至令人茫然如右軍之坦腹靖節  
之高眠又若汪洋奧義佶屈微言凝思注想欲探其玄自爾一

至忽若瀟漫如尹文之坐幻達摩之逃禪凡此之類倦態不一  
寶爾之故伊予之感吾欲終南制汝而不能越巫索汝而不得  
吾將抽艾淬刃懸桃薦棘出之於莽泱之野度子於逍遙之域  
子何不歸爾之樂土而顧留我之胸臆速去速去無留我側言  
訖坐而假寐見有一人揚揚然勃勃然躑躅肩弛臂垂頭曳趾而  
來顧予而言曰我非爾仇爾何我責適聞言言令我氣噎爾不  
聞大陽升而羣陰伏平天君主而百體從乎蜉蝣之出必以陰  
冥魑魅之見必以無人呂雉衰而君犬撼腋晉侯盡而黃熊入  
門使爾神定而無隙吾安能於爾乎見侵爾智則不立而我是

延○學○則○不○專○而○我○是○嗔○何○責○人○之○苛○而○怨○已○之○昏○與○吾○以○安○靜  
爲○體○柔○廢○爲○形○入○乎○優○游○之○室○憩○乎○偃○仆○之○林○不○與○精○強○者○爲  
伍○而○與○懈○怠○者○爲○朋○銳○健○者○吾○卽○與○之○絕○安○閒○者○吾○卽○與○之○親  
昔○者○董○子○下○帷○吾○不○窺○其○幕○孫○生○閉○戶○吾○不○行○其○庭○季○子○持○維  
吾○卽○避○其○銳○匡○衡○竊○照○吾○不○掩○其○明○又○如○寒○棲○雪○案○影○伴○螢○燈  
啖○黃○螯○而○不○飽○撫○圓○枕○而○長○驚○若○此○者○吾○卽○望○風○而○去○褰○裳○而  
行○惟○有○貴○介○之○子○落○魄○之○夫○日○厭○梁○肉○服○羞○綺○羅○遊○娛○旣○暇○歌  
舞○方○餘○徙○倚○高○堂○燕○坐○華○居○思○憩○息○而○少○安○甚○與○我○而○相○宜○又  
有○愚○童○下○士○惡○習○詩○書○便○目○前○之○逸○樂○忘○腹○中○之○空○虛○絕○想○青

雲○之○驥○閒○過○白○日○之○駒○每○欠○然○而○無○措○遂○與○我○而○相○依○蓋○吾○畏  
避○者○如○彼○而○狎○暱○者○如○斯○吾○嘗○入○汝○絳○室○窺○汝○靈○臺○銀○海○注○洋  
玉○樓○虺○頽○心○隨○鴻○鵠○以○俱○往○神○偕○蝴蝶○而○飛○來○吾○乃○解○汝○繫○絡  
弛○汝○形○骸○雖○一○見○而○顛○倒○猶○四○顧○而○徘徊○爾○胡○爲○不○自○反○而○徒  
咎○我○爲○謂○我○鬼○耶○則○宣○室○之○談○不○及○欲○我○祛○耶○則○鬱○茶○之○令○誰  
偶○爾○何○不○勵○精○以○爲○刃○淬○志○以○爲○戈○銳○意○以○爲○棘○矢○殫○力○以○爲  
桃○弧○吾○卽○與○子○而○永○絕○安○能○復○受○子○之○刁○刁○乎○言○已○不○見○予○亦  
驚○覺○神○耶○鬼○耶○乃○爾○訓○誥○振○衣○拭○目○敬○謝○聞○教  
倦○從○心○生○亦○從○心○滅○苟○知○其○倦○則○鬼○亡○矣○別○無○祛○法

未嘗有身  
卷一

三

詰睡魔文

王紳

繼志生備員太學。目事鉛槧。或據公座而掄第六館之文。或退  
 私室而考索自家之典。篇帙未終。晝漏未轉。怠心乘之。昏氣冉  
 冉。百體爾然。兩睫莫展。於是時也。良乎失智。責育失氣。震雷轟  
 於前而不覺。崩崖墜於後而不悸。化白晝而為黑甜。去文苑而  
 遊華胥。日居月諸。無術可祛。一旦有客告曰。是睡魔之為祟也。  
 生曰。彼睡魔者。其狀何如其居何所。其心何好。其行何侶。吾將  
 扣其實而賺其情。庶將豫為之禦也。客曰。彼睡魔者。無形無聲。  
 非鬼非人。惕焉無有。忽焉而存。或往或來。如風如雨。或見中宵。

或出當午精爽者疲昏怠者錮沉沉冥冥乃中其度潛窺密伺  
矚我索居暗刺陰投孰與爲徒生曰唯命之矣於是淪茗盈甌  
熱香成炷正襟危坐屏息思慮召睡魔而詰之曰世有制精煉  
形木石與居竊弄化機遠宗虛無者亦有冥思默計妨賢病國  
食不及飡寢不安席者亦有當晝而伏中夜迺興穿穴踰垣強  
弱相凌者汝不彼侮而專予是乘余雖昏昧幸已析人之圭儻  
人之爵名廁儒流位忝國博職輔邦教身閒禮樂方將刻精竭  
思搜史窮經黼黻皇猷上答聖明汝反銷我銳志鑠我至情是  
何見善不與見美不成我出盡言汝曷自懲否則籲於上帝致

汝以天刑也言畢四顧而視杳無所見有頃神思稍倦頭目亦  
眩曲肱隱几若聞所辨曰噫嘻予之言足達意而不能窮理智  
足責人而不能求已昔者成湯不顯味爽乃興姬公思治待旦  
而行文王翼翼孔子申申是四聖者其誰敢馮彼宰予晝寢見  
譏聖言邊韶便便懶學嗜眠去聖効愚氣惰志先乘隙而入予  
何咎焉生奔之翻然而悟喟然而歎懸髮於梁加緋於髀振衣  
瞠目睡魔歛散

昔李愚思構蝶庵於洛陽以莊周爲開山第一祖陳搏配食  
予以爲道不同不相爲謀嘗欲建獨醒園築無倦室置季子

才。有。身。之。錐。作。溫。公。之。枕。以。逐。此。魔。又。何。暇。與。護。護。羽。羽。者。結。伴。耶。

驅拙鬼文 有引

鄒迪光

昔子雲逐貧昌黎送窮子厚乞巧之三君子者各以才大不  
得售任僚顯頽恇悒失志發爲文詞以見意予不佞無三君  
子之才而有其厄轉喉觸忌動遭謠詠與潔無階徘徊岐路  
匪獨運命使然抑亦拙者之效也夫拙去則巧至巧則自能  
揣摩擗闔窒隙踏瑕據傲乘邪以希爵祿者若承蜩然不難  
撥之貧何待逐而窮何必送也作驅拙鬼文

維歲旃蒙協洽維月爲旦維日哉生魄維時敲暑燁爍鄒子方  
慰石斐几慨然太息曰蓋聞大塊塊圪鬼神雪布或魃或魃爲



魘爲魅馮附木石鴛鴦陸梁惟人之身吉凶悔吝止作行藏亦由鬼德默而主張故延崑呈妖宛若示靈申生彭生之崇泰山霍山之神靡不潛匿沕眇警露形影能使人志意熒惑心思拘窘耳目噴散骨節瘦瘠余也心則兢兢而行若面牆志則揚厲而動必輒輟得非有鬼焉爲之崇耶胡衆人皆巧而余獨拙也乃設柳車乃構草航乃製衣履乃備糗糧侑以酒漿陳列中唐余亦纓弁縮維向空揖讓送拙鬼而告之曰舉世智巧拙實惟予非天我嗇非人我累佞疑曼憑繫汝之爲汝與予居處歷年今是汝退避之期矣夫有始有終者理之常也去故卽新者物之恒也予今備禮以送汝汝其釋此之安惟彼之圖趨而告去慎勿後時於是堂皇之間若風淒淒若雨霏霏若嘻而嘯若怒而啼或鬼或神不可端倪久之若有言者曰交貴金蘭友尙白頭厚始薄終於誼則尤故遺簪不棄敝蓋必留老馬見存前魚貽羞吾與子居四十年所吾不子背子不吾違子榮與榮子辱與辱子興與興子廢與廢流離顛躓風霜瘴癘惟子實多亦不少僉曰諧哉攜手以老奈之何膠漆於累歲而弁髦於一朝也茲必有故請言其概陳說旣明敢不退舍鄒子曰噫嘻汝豈不自明於心耶凡汝之類能魘人而爲災不能佑人而爲福能

與人拙不能與人巧。余家梁溪。山川清腴。土脉繡衍。門庭闕闕。瓜瓞綿遠。未孩胎教。長則庭趨。三益切劘。五車勤渠。宜智而巧。將莫若予矣。顧無文舉之了了。有王祿之真癡。乏公孫之詐術。多長孺之戇直。鮮胡廣之中庸。類潘安之拙宦。此何以哉。實汝之故也。蓋汝之爲物。實繁有徒。引類呼朋。大小爲伍。大者居中。小者在外。區區七尺之軀。爲汝所據。內外嚮忽。轉否於泰。翼三尸而作耗。並二豎而爲害。居心曰中。是爲巨伯。潛據胸臆。堅持德義。如樞斯執。彼鹿可馬。彼白可黑。此則磴磴。鏘鏘。不忒。白刃難纓。與金易嗜。此執環中。聽其來去。突梯滑稽。促些訾粟。斯彼衆

何工。予矢自持。省楛比直。公若鑑懸。指不可繞。動失利便。一腔執信。肝膽誰捐。洩爲文章。規擬典墳。原原本本。彈見博聞。育史腐合。齊驅並騁。不務沾沾。贈炙士林。士林譏譏。見以爲迂。胡不結繩。上逮庖犧。悠悠名山。滔滔大川。良工自苦。奚信而傳。予心實拙。匪汝胡愆。大者既爾。小鬼倣之。耳目口舌。四支百骸。惟其窟宅。巴俞都盧。熟簧餘簫。竒律歸昌。邠節和調。聽者忘倦。予耳弗好。衆皆靡靡。予坐而稿。侯王之門。鄭衛之技。黠纘塞聰。胡見之滯。吁嗟。人拙於已。無娛爲衆所忌。螻首蛾眉。秀項延頸。穠睇善睐。一顧傾城。騁坐其間。各各目成。予也則否。自守其貞。守貞

雖得。衷言。唁唁。不如。滅燭。亦絕。其纓。予實。未思。爲拙。已甚。凡百。有口。咕囁。耳語。諧諧。訛訛。簸弄。唇舌。好生。羽毛。惡加。瘡疥。獨齧。予舌。結訥。無比。時有。稱引。必規。先王。崇論。竑議。人之。聽之。恐妨。其意。胡拙。如斯。不知。規避。纖纖。巧夫。奴其。顏面。膝行。偶旅。屏息。仰氣。趨趨。嗉嗉。稱臣。下風。伺人。怒喜。怒何。所加。喜則。無已。朱提。赤紱。若寄。而取。胡至於。予動。必規。規。疆項。直躬。傲骨。如許。笑者。謂抱。憎者。謂倨。非笑。則憎。世所。厭棄。拙如。之何。逮老。無悔。凡此。蒙昧。拙爲。病根。凡此。拙劣。爾則。禍本。其章。杜萌。激流。窮源。屏惡。四惡。聖門。有言。吾將。逐汝。於棘。林之野。太蒙。之鄉。濮鈞。之域。祝。栗之。原而。姑念。其周。旋有。年。特爲。具禮。陳詞。饒汝。莊愾。惚恍。咤。聆聽。其所。如此。亦予。之至。惠也。已。諸鬼。於是。相與。拊掌。揶揄。顧。謂主人。曰。子言。甚辨。子識。則聞。凡子。所行。智巧。莫甚。於今。不入。於後。則信。抵牾。一時。遵信。萬世。一時。萬世。彼此。孰利。故孔。厄陳。蔡億。代法。程夷。齊探。薇首。陽垂。聲屈。原沈。湘離。騷不。泯楊。雄執。戟太。玄乃。成虞。卿窮。愁著。書立。名。予自。千載。以上。與此。數君子。者。握手。論心。披襟。列頸。今及。於子。而患。難不。離久。要相。信將。使。子潤。飾枯。骨耀。名來。今大。巧若。拙而。胡余。之懲。也。鄒。子乃。舍然。有悟。與拙。爲明。朝焉。夕。焉。畢。吾之。生。

永會文集 卷七  
天下之至拙者莫予若矣。然能藏而不能驅也。欲誦此文以當滑唱。不識拙鬼能行否耶。

逐醒鬼文

有引

吳百朋

歲在闕逢。闌茂。辜月。同伯兄我錫。赴友人招。宜城竹葉。罄山  
濤之八斗。烏程若下。貌陸紉之二引。壯心磊落。銳氣流瀟。樹  
影穿櫺。兔魄侵蘚。心飽醇醪。散步舒展。偶有讎讖。俯躬斜眄。  
傾蓋知己。似沒字碑。頗亦豪舉。餘興未疲。爰命貰酒。坐飲三  
瓶。屢舞僭僭。卜夜如泥。及星希容。散解衣假寐。東方既白。欲  
爲晝眠之邊。韶難覓。莊生之蝴蝶。晨興而昏。然若有亡。恍然  
如有感。酸流骨孔。神色都夜。吮毫難揮。把卷旋罷。苦茗未澆。  
顛顛咤暗。伯兄曰。豈非醒鬼爲祟耶。走子銳鬣。磨盾疾驅。今

後可以飲千日而醉二參矣余乃唯唯爰逐之曰

惟酒有鬼惟鬼作祟唐堯千鐘鬼升帝位孔氏百觴聖不鬼醉  
子路嗑嗑鬼與賢偕淳于一石鬼喜恢諧灌夫罵座鬼輔剛直  
荆卿和歌鬼俠衝髮楚王絕纓鬼知舞智鍾毓拜飲鬼知謝賜  
張旭濡髮此鬼與豪太白騎鯨此鬼才高伯倫荷插鬼性善狂  
孔顛不醒鬼頗精詳食其落魄鬼亦甘貧寬饒酒狂鬼竟侈身  
子雲寂寞為鬼墜閣孟公廢事因鬼投轄王琨兩箭鬼質吝嗇  
遙集加帽鬼才警疑既入步兵之厨旋入主簿之闕長樂宮成  
守孫通之法鈞臺會設遭孫謹之歿故書取崇飲詩垂賓筵鬼

雖不同其刻人之性敗人之德一也吾將抽戈淬刃懸桃薦棘  
出子於莽垓之野投之於有北之鄉子其速去毋為我憂言絕  
欲寐乃有鷄衣鬚髻面如吐火清者曰醪甘者曰醴紅者曰醞  
綠者曰醖白者曰醑側弁而前曰子曷不已之責而予之非予  
生長麴蘖之邦自岸郎官之憤杜康予侶儀狄始作子孫繩繩  
不苟揖客子不聞酒旗天垂酒泉地出西京蒲桃可以忘憂劍  
南燒春足以供嗜隋煬賜號玉璫漢武錫名蘭生六逸高蹈竹  
溪七賢標美竹林阮孚以金貂來換徐邈以聖人見旌顏延年  
據鞍下索石曼卿墜馬猶營皆深得予助者也若夫五陵年少

紫駟玉勒柳謝梅樓鋪茵設席青驄紅袖筵侯手擎予方守鑾  
聞召卽適適則使之羅襦襟解微聞薊澤朱顏發駝醕酊交烏  
至於騷人去國文士悲秋賦驚孝穆穎提楊修在逢親串班荆  
綢繆瓶罄壘恥蕭蕭蒯絃予欣赴焉謀彼黃流瑤漿蠶勺橫槩  
賦詩羽觴飛盡倒着接離又迺項王帳下欲別虞姬李陵臺前  
將辭蘇武笳聲淒惻拔劍起舞予左右其間佐以清醕發河梁  
之清思鼓垓下之餘怒他如壁立之子召予不至鷓鴣典貫飄  
然往侍遂令蛾眉曼睩鳴琴嬉戲又若任達之士酣暢黃鸞聯  
翩王向歡伯是沾揭擗撥醕麴市長呼或玉山將頽或銅鞮高  
唱或五斗解醒或上頓酣暢或陳暄速營槽邱或茂世盜飲鄰  
釀或孔羣七百石不了或鄭泉陶家側願葬子不稽之菲氏掌  
謹酒一獻之禮賓主百拜終日飲酒而不得醉焉乃徒憎予亂  
子之性敗子之德不亦謬乎子果下董生之帷勵李予之錐寒  
棲雪案影伴螢燈碎鴛鴦之盞惟鸚鵡之杯守何次道之温克  
師邴根知之不醉予方退避三舍烏能近子杯鎔入子瓢杓耶  
遂予胡爲哉余黜爾而思頰首以謝曰敬聞玉音而今而後我  
不汝逐汝勿我縛荷罍負缶牛飲必卻恍惚刹那倏然不見伯  
兄長吟余亦驚歎

千古酒徒盡入點鬼每闕一人浮一大白

宋曾存集

卷一

三

咨目童文 有引

宋 濂

走也病目視不及尋簡越度速嘗招刺乃抽隱思引物嬾

義作咨目童文文曰

咨爾童子我目之精疑媾五神配合三靈素質西皓圓暈東青  
南丹注皆北玄孕睛約束臉胞黃中之英氣機內動藏系外微  
啓闢人隔通洩天明聚為根蒂敷為華榮衆咸允賴獨爾失貞  
孰不若電洞觀八絃爾於咫尺不分五牲誰不如月照徹七經  
爾賴漆凡僅辨一丁此明而執孰視弗迎彼不面識反揖而承  
頰或自泚顏常發頰譬如水母藉蝦而征又如野狼挾猥則逞

皆爾弗職以玷我形童子曰噫何言之戾賦授自天初無恒制  
堯眉八彩岳黃以轟聃耳無輪頓額斯贅尼口類海敦陋且銳  
澤鼻如蝎欽直而細四者猶殊目胡不異或牟其參表厥明啟  
或角而方遐舉長逝或瞭而揚或眇而翳一固於玄我則何繫  
幼子淫書膏焚晷繼摘揆辭藻搜剔文藝肝鏤肺雕心銃腎劇  
我副我操我斲我弊八廓注邪五輪受厲靡精弗喪有明益瘞  
我合子躬如左右契子榮我尊我跋子鑿豈圖子玷成此左計  
咨爾童子爾辭固臧傳以正理則涉於涼形雖異賦爾宜自強  
何取其嶽乃釋其良書注所致尤隨意景冬映雪席夏聚螢囊

刺收流血懸髻於梁木聞其目遽縮晶光是謂道辭君子所哀  
星野有舍雲漢成章測步幽眇挈度歲祥為爾之故不知低昂  
三條占限兩戒畫疆氣勢旁魄民物浩穰為爾之故足不及行  
述此二端餘可類詳尚飾巧言陳法列方孰為曲直敢矯而亢  
童子曰噫士貴日謀匪姣足恃惟道是喪考亭有喜廬陵則修  
厥視雖短所履孔優一紹道統上溯魯鄒完經翼傳衣被九邱  
一昌其辭出孔入周有文赫極昭若驂遊子不此即而反我仇  
椒蜂彌豹豈無炯眸鼓辭樂禍腥聞不收假瞻文眇世所嘲咻  
為美之章玉璫黃流子苟弗悟自貽大郵何河而厄何漆以休



何青以誘何肉而囚子勿冥思。夢若蘊抽遺形全智與造化遊。  
我雖俚言實為遠猷。母慚墨墨成此練練童子言已我心之疚。  
蒙供既寢斷菑亦陋植鱗大織削瓜匪秀號尊聖哲名亘宇宙。  
非形之妍惟德之茂。況日在形賓筵一豆雖吒非瞽物亦云覲。  
縱瞽焉尤有用。輒售朦腹三品。備平樂奏國語成書。曷事明畫。  
務察秋毫或速殃咎。潛曜自將神腹內富五色。免惑一誠自守。  
幸遂遵養無絕。馳驟禍福倚伏。理常易究所憂忘荒如營四耐。  
本實不培枝葉巧。湊弗別秀禾徒煩。薈耨章習固勅白紛。罔就。  
千古居前萬世在後。虛生其間冠裳猿狖。自今伊始。啓朦撤覆。  
責躬葬遑敢目之。詬我道之凝。我德之懋。上慎旃哉。吾言不又。  
晦翁永叔目皆短視。然能理晰秋毫。而明見萬里。不足為病。  
也。

未嘗有集 卷一

三

外鬚文 并引

吳寬

姬仲子始冠有問以年數者對之未嘗不以爲詐一日覽鏡始悉其狀蓋其過在鬚也爲文以告之

噫吾語汝鬚人之一身五藏是俱惟腎之餘乃爲汝鬚汝鬚之生種類亦殊兩頰曰髯口上曰髭汝居口下其垂如胡然汝於人出必有候不少不老不先不後而獨何故卽爲我有初焉妻萋勃然滿口綢繆連延紛紜襍揉其密如林其豐若蔀其直如戟其蓬若帚旣非清眉之映目豈若鬚髮之在首不取人悅徒增人醜見者稱呼率加以嬰卽告以年罔不曰否旣駭生客亦

惑故友陷我於詐。舍汝安咎。彼其耳目口鼻。各有所司。天君有命。奉職無虧。汝鬚之生。則異於斯。泰然而垂百無一爲。且今猶可。逮寒暑幾易。日月載馳。汝將變黑爲白。如抽繭絲。光景之迅速。適足以增老大之悲。我不汝咎。咎將安施。言已。忽見有人緇衣立裳。頽然長身。率衆而前。自稱鬚神曰。我屬躁進。敢爾有犯。適辱切責。度不可脫。脫容盡言。九死何憾。當夫張筵設几。賓客交互。讓汝左席。職我之故。我何負於汝。五達二歧。步履從游。讓汝一武。繫我之由。我何負於汝。宜叔宜伯。宜弟宜兄。以有我在。孰輕汝稱。我何負於汝。汝今顧以區區老少之故。咎我我負汝。耶。汝負我耶。且耳聽目視。鼻嗅口食。雖爲汝役。實爲汝賊。嗜彼嗅味。眩於聲色。蠱惑心志。曾無紀極。亦有人生不免襁裸得見。垂白歡欣。絕倒凡我。有言豈自斧藻和藥。剪我而君。臣義薦燕。粥煖我而兄弟。情真燃我於持燭之頃。者可窺人之量。拂我於會食之際。者卽受人之嗔。怒之輒張。足以壯將帥之勇氣。燃之而斷足。以役詩人之吟魂。種以數莖而拜上相。垂焉至帶而位。元臣染我以藥。旣見咏於唐士。纏我以帛。尤足重於晉人。闔寺薰腐之餘。我卽與之絕。沙門寂滅之教。我不與之親。具此羣行。汝豈弗知。况我雖微。亦汝親枝。不敢毀傷。古訓是遺。我不汝咎。

反我咎爲能削卽削矣費說詞少焉隱然不見仲子驚悟靜言  
思之深自悔過掀髯一笑歡好如故  
縱筆揮灑汨汨不休毋煩撚斷幾莖也

詰皓華文

有引

宋濂

龍門生閒居累日弗懌雖深自寬辟卒未能釋去頗聞道家  
之言肺神皓華者實主憂因假爲問對作詰皓華文文曰  
上章困敦在且之月大雲不移積氣熅熱時龍門生黯慘弗悅  
顏面腫噲神情鬱勃頽文九折麤梁雙闕首不暇冠足何能襪  
其友亡羊先生哀之謂匡山君曰龍門生病矣爲妖所發矣其  
中枵枵喪神守矣匡山君曰花妖媚武團崇惑赤仇鐸投纆荀  
伯赴溺移昭入幽倒白作黑不遑其逐卒實靈魄龍門生之所  
懼殆此疾也耶亡羊先曰不然也彼自外入有隙斯窺此自內

出無罅可過。昔者玄靈錫真黃苞承鈞。膠膠者人分爲五神。守  
靈威明。龍烟育嬰。或喜而眉揚。或怒而色頰。或恐而湮淪。或思  
而纏縈。各隸攸司。別域異局。中有皓華。其字虛成。四方之英。白  
虎之精。於時爲秋。孳斂華榮。於音爲商。肅殺之聲。於行爲金。厥  
德維刑。於臟爲肺。百憂所城。察之無跡。迫之不驚。歛爾水集。忽  
焉雲凝。眊躁黝昧。呶訾鈴屏。久而弗革。或爽厥真。余嘗遇河上  
丈人於龍都之山。九陽之庭。授我以帝青之錄。示我以赤水之  
經。劾召五鬼。摩斥三靈。動爲山合。怒爲庭崩。即將召皓華而訊  
之。不亦可乎。匡山君曰。子計誠良矣。亡羊先生乃杖七星之劍。

曳三辰之旌。灌酒於茅。燭管上升。踞步成罡。拔髮爲兵。左此右  
顧。潛聽於冥。涉吹五斗。黍頃迴颺。怒旋冷氣。四興幻陽。變陰弄  
晦。閃明勃律。繁萃如見。其形有媿。一夫素裳。影纓衛以刀戟。載  
以輜輶。踉蹌而前。噉謂亡羊先生曰。我皓華之神也。與夫子人  
鬼異程。曷召我爲。亡羊先生曰。龍門生之疾。爾奈何崇之。吾之  
召爾。非苟然也。寓形兩間。爲生幾何。擊石火起。流陽電過。俄頃  
歇滅。不樂則那。既有良朋。相與歡歌。上下角逐。西東曼摩。筵陳  
笙磬。尊列象犧。酣嬉淋漓。屢舞僂僂。雞蟲失得。鴟鳳少多。棄而  
不辨。遑恤其他。孰不志舒。孰不顏酡。孰不鬯遂。孰不婆娑。爾何

使龍門生感感物物。媿媿嬰嬰。委塲弗振。如蝕沉疴。爾當據情。以對其辭。若直吾將。爾爲式辭。或不能良。我劍有銜。皓華聞已。頽然怒曰。夫子藝周載籍。心統人天。在古無上。在今無前。電生目底。雷捲舌間。雄章欲議。彈壓神姦。夫子宜先天下憂。而憂乃欲自樂耶。惟昔尼父。任道爲宗。上畏天命。下悲人窮。雖不得位。惟世是從。敢曰自佚。以疾厥躬。子幸我聽。請竭始終。民吾同類。綏之匪易。遑遑齊魯。棲棲宋衛。樹伐蒲園。絕糧不繼。車轍周環。曾莫少避。欲興東周。拯我民粹。是謂世憂。夙夜罔替。天下爲公道。紀攸繫。魚爛已成。河決安治。傷麟曷來。歎鳳不至。舍瑟長吁。

反袂拭涕。述爲藝經。表我土制。是謂道憂。惟恐淪墜。夫子去尼。父者也。宜爲二者深憂。乃欲自樂耶。況今六合雄吞。矛縱戟橫。千里蕭條。土絕播耕。梟齒如山。悲風往還。烏鳶見人。飛集樹端。夫子不爲之長勵。日欲開口笑樂。一何惑乎。亡羊先生。曠然笑曰。爾望吾以聖人之事。我病未能。若謂生民。薄也。則有肉食者存。吾亦何知焉。古今一馬。天地一指。死生一轍。彭殤一軌。溟滓無末。恢落無始。神光下燭。人羸將弭。內已若忘。外憂自止。我額弗蹙。我齒長啓。我神空寧。子胥樂只。爾固欲反之。將有說耶。抑罔我也。皓華曰。大道陵夷。始有聃周。放言如雲。彌布入邱。蛟龍

騰。駭。搏。之。無。由。狎。聖。侮。賢。漫。漭。弗。收。欲。齊。天。物。強。名。弗。憂。夫。子。  
 取。之。人。將。見。尤。且。吾。聞。之。王。公。弗。憂。四。國。不。治。侯。伯。弗。憂。庶。政。  
 用。隳。子。男。弗。憂。名。毀。身。隨。士。庶。人。弗。憂。蓄。害。是。懼。是。憂。者。羣。善。  
 之。願。衆。德。之。基。修。之。則。安。悖。之。則。危。故。曰。生。於。憂。患。死。於。安。樂。  
 而。君。子。終。身。以。之。夫。子。奈。何。棄。諸。粵。自。古。初。有。天。皇。焉。幹。連。日。  
 月。輶。轄。乾。坤。司。執。神。機。主。宰。帝。權。懼。民。多。欲。志。因。物。遷。特。遣。天。  
 老。命。厠。五。官。蹈。揚。金。德。專。主。憂。患。以。助。人。極。以。拓。化。原。夫。子。辱。  
 我。以。崇。並。觀。如。此。尚。有。識。耶。亡。羊。先。生。曰。爾。言。同。善。古。之。聖。賢。  
 有。無。憂。者。矣。有。知。命。樂。天。者。矣。有。遯。世。無。悶。者。矣。若。是。彼。皆。非。

歟。皓。華。曰。夫。膠。柱。不。可。以。調。瑟。刻。舟。不。可。以。求。劍。尚。矣。事。雖。有。  
 常。易。貴。變。通。苟。執。於。一。子。莫。之。中。憂。樂。有。異。時。勢。不。同。使。古。聖。  
 賢。生。於。當。今。其。有。隱。憂。又。將。何。如。也。言。既。畢。化。為。白。氣。其。長。如。  
 虹。昏。昏。蒙。蒙。歸。於。太。空。亡。羊。先。生。退。謂。匡。山。君。曰。皓。華。之。辭。良。  
 直。吾。敢。不。敬。承。以。為。式。於。是。攢。眉。入。室。晝。淚。欲。滴。撫。物。傷。懷。終。  
 宵。太。息。

不。滿。乃。於。微。軀。疑。有。冤。酷。常。見。其。移。易。盈。其。怒。易。稍。魄。門。稍。侵。





金氣即發。風自外干。涎從內寒。重堂轉轉。衆竅噓吸。朝聞嗒嗒。暮聞嗒嗒。津流爲涕。血冲卽動。乍寒遂僵。驟熱亦毒。處濕既滯。近燥彌急。將笑必咳。有感易哭。未發云云。輒聞喀喀。然此猶具常未爲過劇。乃至積邪大涌。蘊逆上溢。吐液作潮。噴火益熱。聲發若號。喘久欲噎。人寢我興。人坐我立。仰攀牀楞。翹眎屋角。如鳥申頸。似熊躡脚。胸椎欲穿。背脊不釋。兒拳飽管。婦掌爭摑。頰潤一蕘。襪投五藥。漸降漸平。乃蘇乃復。然猶積痼三重。高枕二尺。前忌側颺。後畏暴日。愛酒虛傷。對食防餉。咳衄難從。勝遊不出。曰早生花。口頻墮。喙方五十公。如六七十人。生歡趣爲此。都畢語未及終。神笑而答曰。君所謂知其損而不知其益。記其怨而失記其德者也。夫數有盛衰。理有盈缺。一死一生。或豐或嗇。大造意均。本無偏側。卽君平生執友。三存七歿。其歿者旣已宿草。屢生藏血。久碧骨委。蟄城魂飄。鯢壑猶踈。隻雞徒悲。亮箇君昔皆與交。顏行齒列。而君烏窮。得翔魚枯。幸脫野伸。垂憐鬼伯。免促尙留姓名。猶延氣息。非吾以病苦之。則君不能獨活。其存者則又良田就荒。高門被奪。東郭曳履。西華被葛。買山募貲。費糧乞食。君今皆與交。肩隨手執。而君賴守敝廬。尙餘素業。歲收少登。日用裁給。立侍小童。坐使老僕。非吾以病頓之。則君不能

獨逸且見今人口溢五言日厭六籍無字上碑有書葉籠從客  
買文索人執筆而君獨九經橫陳四部畢發絕簡笑尋遺書喜  
續日草千言歲編一集俱吾以病暇君縱其著作復見今人夜  
治豐筵晝趨廣陌門候貴人座容襍客吟嘖滿堂烟暈布席而  
君獨深徑沒蒿閑庭蔽竹牀設每虛刺投不納淡雲徐停良月  
直入俱吾以病賓君高其風格況吾病所加其人甚擇文若長  
卿乃若此渴詩若杜陵乃患此疾正使狀其委弊亦復不惡兼  
以小子量水故人稱藥諸翁杖履高僧茗粥一藍雙漿間從遊  
洲二雅五經頗露滴瀝不廢歌賦併展戲諱君但定慮養神致  
虛抱一常歛其形務安其魄少受善風畧負煦日漸至容平默  
通消息緩而始舒咽以微泄順氣應時起雞臥雀則吾性俱存  
君體自佚齒可復鯢髮能變鶴尙當輔君守義全君粹白期相  
審平終造成德理晰秋毫道悅萬物各保百年榮名無極泉堂  
於時頰首受詞傾耳屏息已而渙然神解意懌願同斷金微命  
永屬是日晨光旣晡氣體頓帖  
子美子由均有肺病人苦無名是疾不足患也

頭責子羽文 有引

張敏

太原温長仁、潁川荀景伯、沁陽張茂先、上郡劉文生、南陽鄒  
 潤甫、河南鄭列、余友有秦生者，雖有姊夫之尊，少而狎，同時  
 昵好，張苟之徒，繼踵登朝，而此賢身處陋巷，屢沽而無善價，  
 為之慨然。又怪諸賢身既在位，曾無伐木嚶鳴之聲，又違王  
 貢、彈冠之義，故因秦生容貌之盛，為頭責之文，以戲之。并嘲  
 六子。

頭責子羽曰：吾託為子頭，萬有餘日矣。大塊稟我以精，造我以  
 形，我為子，時髮膚置鼻耳，安眉鬚，插牙齒，眸子摘光，雙權隆起。

每至出入人間遨遊市里行者辟易坐者踈跽如此者固我形  
之足偉也子冠冕弗戴金銀弗佩旨味弗嘗食菜茹菓子遇我  
如讐我視子如仇居常不樂兩者俱憂何其鄙哉子欲爲仁賢  
耶則當如臯陶后稷巫咸伊陟保乂王家永見封殖子欲爲名  
高耶則當如許由子臧下隨務光洗耳逃祿于載流芴子欲爲  
遊說耶則當如陳軫蒯通陸生鄧公轉禍爲福含辭從容子欲  
爲恬淡耶則當如老聃之守一莊周之自逸廓然離俗志凌雲  
日子欲爲隱逝耶則當如榮期之帶索漁父之澗澗棲遲神邱  
垂餌巨壑不子上不希道德中不效儒墨塊然窮賤守此愚惑

察子之情觀子之志退不能爲處士進無望乎三事而徒玩日  
勞形習爲常人之所喜對曰吾以大幸爲子所寄今子欲使吾  
爲忠耶則當如子胥屈平欲使吾爲信耶則當殺身而成名欲  
使吾爲介節耶則當赴水火以全貞此四者皆子之所忌故吾  
不敢造意頭曰吾欲告爾以養生誨爾以優游而與蟻虱同性  
不聽我謀悲哉俱御人體而獨爲子頭且擬人其倫諭子儕偶  
子曾不如太原溫容潁川荀禹范陽張華上郡劉許南陽鄒湛  
河南鄭誦此數子或寒吃無宮商或阨陋希言語或淹伊多恣  
態或驛騷少智諂或口如含膠飴或頭如巾蓋杵而猶以文彩

可觀意思詳序攀龍附鳳並登天府豈若夫子徒令唇口腐爛  
手足濡濡哉居有事之世而恥爲權謀譬猶鑿池抱甕難以求  
富嗟乎子羽何異牢檻之熊深奔之虎石間餓蟹竈中之鼠用  
力雖多而見功甚少宜其蹉跎煎蹙至老無所希也

賈逵以長頭名世古弼以尖頭見稱不尖不長廢棄宜矣但  
張子克念親情而六子勿敦交誼爲之一慨

足責吳子文

吳鼎

彌格大淵獻之歲嘉平之月除夕前一日吳子墜舡折足晝夜  
仰號七旬痛乃定定後五閱月乃離榻又五閱月乃杖梨自遭  
患至是期矣尙不良於行吳子拊膝歎曰異哉余此足也古之  
人跌揭陶魚齒舐躬耕穿履踐雪躡蹻擔簦若是者吾足未經  
也今之人高門懸薄日往趨趨造請逢迎健步風趨若是者吾  
足未能也改歲多暇祥琴旣聲避喧集野聊爾曳行歛一跌而  
弗振匪三爵之沉冥彼險戲而弗踏此優逸而蓄生意者多行  
非禮刻肌推髓天降大罰以懲淫宄耶抑斷腕決躡全予首領

塞馬非妖支離獲倖耶胡爲宜瘳而久不瘳也足忽應聲責吳  
子曰足不負子子則負足多矣昔也仕不擇祿詘體小邑驅置  
風塵之下跪伏庸豎之測汚吾足一也旣乃觸天綱墜危機嬰  
金水受榜笞汚吾足二也朝祥暮歌聖門所譏臨深履薄百世  
之師子皆弗念以及焙夷汚吾足三也子有三大負於足詬莫  
甚焉尙何讓我以奔趨而怖我以險艱嘲前軌之永飾志已迹  
之多愆且吾爲子足多歷年矣進弗使升華陟要乘堅跨肥委  
蛇玉階侍從黼展退弗使却影離塵高蹈遐放息響雲虛流憩  
閒曠徒匍匐以學步味筋力之日喪履坦途而未邁追逸駕其

奚望縱此足之無玷亦何裨於貞亮孽匪神作禍弗知創稱天  
引命詭情譎狂安得無咎哉安得無咎哉若夫步及奔馬而不  
僂爲僂者非闕足也珠玉無脛而含耀華賈者世所矚也故夏  
后偏枯而稱聖樂正因傷而訓垂申徒遺形於子產無趾務學  
於仲尼跛脚霸晉臚子師齊相中山者臚脚之司馬代懷侯者  
折骼之范睢咸以儻光揚乎下體豈緣陋足借譽於豐軀顧  
慙媿美於數子何患見晒於跛夫

釋蓮池有跛脚禪師歌膾炙人口末云願君不跛如跛人勝  
彼長年掩關客可爲此文討脚

補龍山文 有引

蘇軾

丙子重九客有言桓温龍山之會風吹孟嘉帽落温遣孫盛  
嘲之嘉作解嘲文辭超卓四坐歎服恨今世不見此文予乃  
戲為補之曰

征西天府重九令節。駕言龍山。燕凱羣哲。壺歌雅奏。緩帶輕帽。  
胡為中觴。一笑發梗。楠競秀。榆柳獨脫。驥交驚。鴛蹇先蹶。  
楚狂醉亂。隕帽莫覺。闕服囚首。枯顛茁髮。維明將軍。度量閎達。  
容此下士。顛倒冠鞮。宰夫揚觶。兕觥舉罰。請歌相鼠。以侑此爵。  
右嘲

言聞君子。蹈常履素。晦明風雨。不改其度。平生邱壑。散髮箕踞。墜車天全。顛沛何懼。腰適忘帶。足適忘履。不知有我。帽復奚數。流水莫繫。浮雲暫寓。飄然隨風。非去非取。我冠明月。被服寶璐。不纓而結。不簪而附。歌詩寧擇。請歌相鼠。罰此陋人。俾出童叟。  
右解嘲

龍山落帽。不過一時。偶爾遂成千古。美談然傳其事。而軼其辭。不無遺憾。坡公補作。足見嘻笑成文。

廣寒宮白玉樓上樑文

許景樊

述大寶蓋懸空。雲駢超色象之界。銀樓耀日。霞楹出廣漠之墟。雖復仙螺運機。玉帳之術。斯殫翠唇吹霧。金轡之方。畢施自天。作之非人力也。王人名編瑤籍。職綴瓊班。乘龍太清朝。宿崑崙暮。歸方丈。駕鶴三島。右挹浮邱。左拍洪崖。十年玄圃之樓。遊一夢人間之塵。土黃庭。誤讀謫下無央之宮。赤繩結緣。愧人有窮之室。壺中靈藥。纔下指於立砂。脚底銀蟾。遽逃形於柱宇。笑脫紅埃。赤日重披紫府。丹霞鸞笙。鳳管之神遊。喜續舊會。錦瑟銀屏之孀宿。悔過今宵。何意日宮之銀綸。俾掌月殿之牋。奏官曹



清切足攝八霞之司。地望崇高。明壓五雲之閣。香凝玉斧。手  
之吳質。無眠樂奏。霓裳闌邊之素娥。不寐玲瓏。霞帔振霞錦於  
仙衣。熠燿星冠。點星珠於寶勝。爰思列真之來會。尙乏上界之  
樓居。青鸞引玉妃之車。羽葆前路。白虎駕朝元之使。金縷後塵。  
劉安傳經。拔雙龍於案上。姬滿逐日。驅八風於山阿。宵迎上元。  
綠髮散三角之髻。晝接帝女。金梭織九紋之綃。瑤池列聖。曾南  
峯。玉京羣帝。集北斗。唐宗踏公遠之杖。得羽衣於三章。水帝對  
火仙之碁。賭寰宇於一局。不有紅樓之高構。何安絳節之來朝。  
於是移章十洲。放榭九海。囚匠星於屋底。木宿掄材。壓鐵山於  
楹間。金精動色。押靈揮斧。馳妙思於天關。大冶鎔醞。運巧智於  
真境。青霞垂尾。雙虹飲星。宿之河赤霓。昂頭六鷲。戴蓬萊之島。  
璇題燭日出彤閣。於烟中綺綴。流星駕迴廊。於雲表魚鱗。鱗於  
玉丸。雁列翥於瑤階。微連捧旗。下月節於重霧。見泊樹。燾設闌  
幄。於三辰。金繩結綺戶之流蘇。珠網獲雕闌之阿閣。仙人在棟。  
氣吹彩鳳之香臺。玉女臨牕。水溢雙鸞之奩鏡。翡翠簾雲母屏。  
青玉案。瑞靄宵凝。芙蓉帳。孔雀扇。白銀牀。祥霓晝鎖。雲流蘭浦。  
寒生玉簫之秋露。滴桂花香。澀瑤衾之夢爰。設鳳儀之晏冀。展  
燕賀之誠。旁招百靈。廣迎千聖。邀王母於北海。斑麟踏花。接老

子於西關青牛臥草瑤軒張錦紋之席寶簷垂霞色之帷獻蜜  
蜂王來棲炊玉之室含梁雁帝頻人薦瓊之廚雙成細管安香  
銀箏合鈞天之雅曲婉華清歌飛瓊巧舞雜駭空之靈音龍頭  
瀉鳳髓之醪鶴背奉麟脯之饌瑤筵玉席光耀九枝之燈尙恨  
瓊姬之乏句碧藕冰桃盤成八海之影而致上仙之興嗟清平  
進詞太白醉鯨背之已久玉臺摘藻長吉笑蛇神之何多新宮  
勒銘寧用山立卿之筆上界鐫壁不數蔡真人之詞江郎才健  
夢開五色之花梁客詩成詫擊三生之鉢徐援彤管笑展紅箋  
河懸泉湧不必覆子安之衾句麗文迥未應類謫仙之面立進  
錦囊之神語置諸雙梁留作瓊宮之盛觀資於六偉

梁之東曉騎仙鳳入瑤宮平明日出扶桑底萬縷丹霞射海紅  
梁之西碧花零落彩鸞啼青羅書字邀王母鶴馭催歸日已低  
梁之南玉龍無事臥珠潭銀牀午罷遊仙夢笑喚瑤姬脫碧衫  
梁之北鯨海溟洋浸斗極大鵬翼擊碧天風九霄雲散兩氣黑  
梁之上曉色微明雲錦帳遊夢初回白玉牀臥聽北斗回杓響  
梁之下九埃雲黑疑昏夜侍兒報道水晶寒曉色已結鴛鴦瓦  
伏願上梁之後琪花不老瑤草長春羲舒影光御纓繆而猶戲  
陸海變色伸虹玉而尙存銀牕壓河下視九萬里依稀世界壁

老會看集卷十  
戶臨海笑看三千年清淺桑田手揮三霄日星身遊九天風露  
此朝鮮許慧女七歲時作也真贗固不可知若果爾不獨長  
吉甘拜下風即天孫亦當避其巧矣

古文未曾有集卷八



泉亭張 吳漢極

武林王甫白艸堂評選

泉亭朱采治建予

全訂

岡州區瑞圖洛川重校

醉鄉記

王績

醉之鄉去中國不知其幾千里也其土曠然無涯無邱陵險  
其氣和平一揆無晦明寒暑其俗大同無邑居聚落其人甚清  
無愛憎喜怒吸風殮露不食五穀其寢于其行徐徐與鳥獸  
魚鱉襍處不知有舟車器械之用昔者黃帝氏嘗獲遊其都歸

而杳然喪其天下以爲結繩之政已薄矣降及堯舜作爲千鍾百壺之飲因姑射神人以假道蓋至其邊鄙終身太平禹湯立法禮繁樂襍數十代與醉鄉隔其臣義和棄甲子而逃冀臻其鄉失路而道天故天下遂不寧至乎末孫桀紂怒而昇其糟邱階級千仞南向而望卒不見醉鄉武王得志於世乃命公旦立酒人氏之職典司五齊拓土七十里僅與醉鄉達焉三十年刑措不用下逮幽厲迄於秦漢中國喪亂遂與醉鄉絕而臣下之寔道者往往竊至焉阮嗣宗陶淵明等十數人並遊於醉鄉沒身不返死葬其壤中國以爲酒仙云嗟乎醉鄉氏之俗豈古華

胥氏之國乎何其淳寂也如是余將得遊焉故爲之記

太白謂但得醉中趣勿爲醒者傳幾作自了漢今無功頓洩天地之秘爲之指南將欲度盡衆生同歸極樂耶

臥而自足不車不舟極意而遠遊冬而縮夏而濶不知其有暑得而悲失而喜不知其有利害以謂凡其目見者皆安也  
黃帝聞而樂之於是殫心服形三月弗復其治疲而睡蓋至鄉既寢厭其國之多事也召二臣而告之凡二十有八年而天下大治似睡鄉焉降及堯舜無爲世以爲睡鄉之俗也禹湯

而否然喪其天下以爲結繩之政已薄矣降及堯舜作爲千  
百靈之飲因始射中人以假道蓋至其邊都終身太平禹湯  
鄉失路而道天故天下遂不寧至乎末孫桀紂怒而昇其糟  
降級千仞南向而望卒不見醉鄉武王得志於世乃命公且  
西人氏之職典司五石石七十里墮與醉鄉連焉三十年  
天賦之深然之詩南梁浴氣盡衆空同韻琳樂派  
太白醉卧軒輅中賦於酒醴香榼與引自了樂全無也醉鄉  
晉丸之園平向其草窠出吐景余深醉殺焉姑爲之唱俗景五

睡鄉記

蘇軾

睡鄉之境蓋與齊州接而齊州之民無知者其政甚淳其俗甚  
均其土平夷廣大無東西南北其人安恬舒適無疾痛札癘昏  
然不生七情茫然不交萬事蕩然不知天地日月不絲不穀佚  
臥而自足不車不舟極意而遠遊冬而縮夏而續不知其有寒  
暑得而悲失而喜不知其有利害以謂凡其目見者皆妄也昔  
黃帝聞而樂之閒居齋心服形三月弗獲其治疲而睡蓋至其  
鄉既寢厭其國之多事也召二臣而告之凡二十有八年而天  
下大治似睡鄉焉降及堯舜無爲世以爲睡鄉之俗也禹湯股

無。股。脛。無。毛。剪。介。爲。牲。以。救。夫。災。不。暇。與。睡。鄉。往。來。武。王。克。商。  
還。周。日。夜。不。寢。曰。吾。未。定。大。業。周。公。夜。以。繼。日。坐。以。待。旦。爲。王。  
作。禮。樂。伐。鼓。扣。鐘。雞。人。號。於。右。則。睡。鄉。之。邊。徼。屢。警。矣。其。孫。穆。  
王。慕。黃。帝。之。事。因。西。方。化。人。而。神。遊。焉。騰。虛。空。乘。雲。霧。卒。莫。覩。  
所。謂。睡。鄉。也。至。孔。子。時。有。宰。予。者。亦。棄。其。學。而。遊。焉。不。得。其。途。  
大。迷。謬。而。返。戰。國。秦。漢。之。君。悲。愁。傷。生。內。窮。於。長。夜。之。飲。外。累。  
於。攻。戰。之。具。於。是。睡。鄉。始。邱。墟。矣。而。蒙。漆。園。吏。莊。周。者。知。過。之。  
化。爲。蝴。蝶。翩。翩。其。間。蒙。人。勿。覺。也。其。後。山。人。處。士。之。慕。道。者。猶。  
往。往。而。至。至。則。翫。然。樂。而。忘。歸。從。以。爲。之。徒。云。嗟。夫。予。也。幼。而。  
勤。行。長。而。兢。時。卒。不。能。至。豈。不。迂。哉。因。夫。斯。人。之。問。津。也。故。記。  
此。中。道。路。熟。竟。到。無。何。有。坡。公。嘗。自。言。之。矣。今。乃。云。卒。不。能。  
至。殆。可。與。知。者。道。難。與。癡。人。說。耳。

溫柔鄉記

徐士俊

醉鄉睡鄉之外有溫柔鄉焉。其名著於漢至今。憐香惜玉之士  
 多有至是鄉者。惟腹負之將軍與一二豪公子輩不得入。郎入  
 亦不能老也。其間氣候大約四時蚤暮皆類。春二月時花鳥烟  
 雲舉目如繡。有山名博山。有水號況水。水從山罅中迸出。傾瀉  
 懷烟覆郁。千步尋香者。僅蜂媒蝶使。得時時往來。鄉中人亦不  
 甚防範。他若重門疊閣。皆以葳蕤鑰鎖之。令婢子次第相守。雖  
 懷金竊窺。終不可得。四角多綴夜珠。照徹若明月。月光之下。有  
 簇簇擁護。如紅浪然。正此鄉深奧處也。芳香酷烈。殊甚。襍以流

蘇之屬但覺人間惡路岐幾被此中蓋盡因私喜古人溫柔之  
語誠不虛耳無幾時夢至一峯雲雨半天膩滑不可上忽睹方  
幅地盡成異花欲采之以歸細而察之繡袜也官街之鼓聲逢  
逢鄰雞四號曉月欲落此鄉遂震動但微視銀缸絳幃希微黯  
澹而已乃歌曰維予與女老於是鄉無朝無暮翠羽珠璫流水  
涓涓是名溫泉玉山頽兮何其軟纏歌罷復坐臥其下三日不  
能去

欲不可縱情不可廢語稱名士風流讀此益信

常寂光國記

白玉蟾

玉蟾翁笑傲乎清虛之都住持乎寥落之境朝餐紅霞暮餽紫  
霧四大怡怡然一性申申然不知春秋之欲寒暑我而日月之  
欲陰陽我似醉似夢若佯若蹶天無翳雲晨曦眩且俄而竹洞  
風冷烏雲闕彩微雨清聖山昏水暮鳥飛魚伏未幾陰霧朗霽  
天氣可人溫然如春淒然如秋彩雲翔碧霄之南中有人焉冠  
逍遙自然之冠履如理實際之履衣虛無湛寂之衣食禪悅法  
喜之食十目不可覩其形四聰不可聞其聲須彌廬山不能高  
其身薩婆若海不能廣其意其步趨也白雲流水其語默也翠



牙曾存集 卷八  
竹黃花已而有言曰我無位真人也子知之乎世尊與螻蟻共胎兒率泊鐵圍同境子可罷司聽之臣黜職視之吏可以形影相弔於無陰陽地翁諾大塊其心枯木其形乃與真人合恍若曾邂逅契若未交處真人與翁杖一切無念之杖張大用現前之蓋且行且憩罔測晝夜約十萬八千餘里始乎歷五蘊之山泛六慾之海離無明之鄉出貪嗔之域忽之一方真人曰此大慧明天常寂光國戒州禪那縣無何有鄉涅槃里也真公乃是國之君真人之居心空之殿解脫之樓真如之亭寂滅之臺圓覺之宮真觀之堂其國地無塵泥天不晦顯國中君臣父子聖

凡含識同形同相無姓無名其莊嚴不可稱其受用不可量真人擁五明之輅駕七寶之輿闢虛淨光明之藏豎神通自在之幢翁與真人遊乎知見峯之下有幽玄洞慈忍江功德水四睇久之涉般若之園無相之圃八還苑圍四處垣墉巡三摩之林步四諦之山真人欲還乘般若舟渡平等海不彈指間往復無際真人揖翁晏坐於清淨之軒敞六通戶牖巖萬花塔庭焚五分之香獻六味之饌薦八自在之茗酌八功德之泉呈五眼之珠示一真之印設作止任滅之網燭見聞知覺之燈真人俄而隱翁回首遂失其所在翁愕然而省煥然有失告諸天人彼真

人者。媿我形類。我志我非。寤寐我非。齟齬我寧。遺其所真。執其所妄。乎乃喟然長吁曰。吾即真人也。真入即吾也。吾將逝矣。乃命管城先生墨松使者。令陶泓白起等記。神遊八極。不離方寸。欲覓無位真人。看取赤肉團。上海瓊遍。徹三教。故言之不覺慶快。

梅國記

姚來

洪厓仙。劇隱於大庾之嶠。長子孫者。累數百祀。跨躡南北。綿邈遠近。夏暉冬。藉日。簡以蕃。客有過之者。始見之。若聚焉。繼見之。若邑焉。滋茂弗已。宋守趙孟滿氏。見而稱之曰。若是其稠乎。是可國也。於是建國號曰梅奄。一方面有之。封域視古宋衛。然然其國與諸國異。有父子兄弟。而無君長。有疆圉山川。而無城郭。有榮瘁盛衰。而無征伐。有風雨霜露。而無耕獲。有大小短長。縱橫曲直。而無妍媸。其居結瑤。而構瓊。其俗擷芳。而嚮馥。其服被縞。而曳素。往往搜其寄遠埃壙之地。弗處世慕其潔。至假冰王。

神仙以爲喻。國於南州而性獨耐寒。雖加以嚴霜暴霰不能虐也。百肇國以來。輒隸於職。方歲遺子修。貢於廷。累代嘉之。聽梅氏自爲治。弗奪其土。於是國益庶且大。初梅氏以鼎味薦於商。尚道賴以復。與周人得其名於謠。以列於司樂者。由是聲重天下。華實既符。今古同賞。或謂其風韻獨勝。或謂其神形俱清。或謂其標格秀雅。或謂其節操凝固。如宋廣平杜少陵。林和靖。諸名賢。皆與梅氏爲方外友。類形諸篇什。以摹寫其情狀。然其所得。不過一村一圃一林一水之勝。而未有以國名者。自梅氏有國。而其散處於海內者。咸列於附庸。固或先焉。立國既久。梅氏之英。庾山之靈。相與求其主。劉先生挺生南服。出而臨之。而國於是乎有主。先生猶不敢當。曰。吾梅花國人也。或請於先生。敢問宅是國何義也。先生曰。吾之所取於梅氏者。有五善焉。博於濟物仁也。不撓於時義也。生不相陵禮也。審於擇友智也。出而愆其期信也。此吾之所以獨樂於梅。不徒臭味之合而已。若夫桑梓之所詔。盤滯之所佩。朝夕之所翫。几案之所味。皆取足於是。而梅也無役不供。亦惟求吾適耳。奚其主。問者曰。梅生數千年。乃有國。復數百年。乃有主。主是邦者。非先生其誰。天下不被梅之澤者。久矣。今世所賴於梅者。微先生孰能盡其用乎。幸矣。

先生之主斯國也。且昔人有所謂烏衣槐安者。徒託諸寓言。皆齊諧之流。非所以語於道也。先生之國。以實不以名。以道不以物。吾益嘉先生之善為斯國主也。先生笑而不答。因書以為記。雪滿山中。高士臥。月明林下。美人來。主斯國者。何幸如之。

墨君堂記

蘇軾

夫人相與號呼者。貴之則曰公。賢之則曰君。自其下則爾汝之。雖公卿之貴。天下貌畏而心不服。則進而君。公退而爾汝者多矣。獨王子猷。請竹君。天下從而君之。無異辭。今與可又能以墨象君之形容。作堂以居君。而屬余為文。以頌君德。則與可之於君。信厚矣。與可之為人。也。端靜而文明。哲而忠。士之修潔博習。朝夕磨治。洗濯以求交於與可者。非一人也。而獨厚君如此。君又踈簡抗勁。無聲色臭味。可以娛悅人之耳目。鼻口則與可之厚君也。其必有以賢君矣。世之能寒燠人者。其氣歛亦未若雪。

霜風雨之切於肌膚也。而士鮮不以爲欣戚。喪其所守。自植物。而言之。四時之變亦大矣。而君獨不顧。雖微與可。天下其孰不賢之。然與可獨能得君之深。而知君之所以賢。雍容談笑。揮灑奮迅。而盡君之德。稚壯枯老之容。披折偃仰之勢。風雪凌厲。以觀其操。崖石犖确。以致其節。得志遂茂。而不驕。不得志瘁瘠。而不辱。羣居不倚。獨立不懼。與可之於君。可謂得其情。而盡其性矣。余雖不足以知君。願從與可求君之昆弟子孫。族屬朋友之象。而藏於吾室。以爲君之別館云。

物以類聚。友君子者必君子也。文蘇居之爲不愧。

烏有園記

劉士龍

烏有園者。餐霞居士劉雨化。自名其園者也。烏有則一無所有矣。非有而如有焉者。何也。雨化曰。吾嘗觀於古今之際。而明乎有無之數矣。金谷繁華。平泉佳麗。以至洛陽諸名園。皆勝甲一時。迄於今。求頽垣斷瓦之髮髯。而不可得。歸於烏有矣。所據以傳者。紙上園耳。卽令吾有園。如彼千百世。而後亦歸於烏有矣。夫滄桑變遷。則有終歸無。而文字以久。其傳則無可爲。有何必紙上者。非吾園也。景生情中。象懸筆底。不傷財。不勞力。而享用具足。固最便於食貧者矣。况實構則張施有限。虛擬則結撰無

窮此吾之園所以勝也。園之基憑山帶水，高高下下，約畧數十  
里。園之大者在山水，園外之山羣峯螺髻，園內之山疊嶂黛秀，  
或橫見或側出，或突兀而上，或奔趨而來，烟嵐出沒，曉夕百變。  
時而登眺，時而延望，可謂小有五嶽矣。山泉衆注，疏爲河渠，一  
棹中流，隨意蕩漾，傲睨放歌，頓忘人世。穿爲池而灌者，以停雲  
貯月，養魚植藕，分爲支而導者，以灌樹澆花。曲水行觴，滯其滯  
而旁達者，接竹騰飛，焦巖沾潤，刻木遙取，隔澗通流。此吾園山  
水之勝也。而其次則樹木，穠桃踈柳，以粧春妍，碧梧青槐，以垂  
夏蔭，黃橙綠橘，以點秋澄，蒼松翠柏，以華冬枯。或楚楚清圓，或

落落扶疎，或高而凌霄拂雲，或怪如龍翔虎踞，葉棲明霞，枝生  
好鳥，經行偃臥，悠然會心。此吾園樹木之勝也。而其次則花卉，  
高堂數楹，顏曰四照，合四時之花俱在焉。五色相錯，爛如錦城，  
四照堂而外，復構四軒，一爲春芳，一爲夏榮，一爲秋馥，一爲冬  
秀。分四時之花各植焉。豔質清芬，地以時獻，卮杯作賦，人以候  
乘。此吾園花卉之勝也。至言其締造，則有飛閣參天，雲宿簷際，  
崇樓拔地，柳拂雕欄，曲房周迴，戶牖潛達，洞壑幽邃，燭火始熄，  
種花編籬，香吹滿徑，插棘爲限，刺欲鈎衣。此吾園締造之勝也。  
更一院而分爲四貯，佳釀名茶，歌兒舞女，各一焉。又一院而

分爲三貯儒釋道三藏者各一焉又一院而分爲二貯名書古  
畫鼎彝者各一焉而又有雨花之室衲子說空碧虛之閣羽人  
談玄加以猿嘯清夜鶴唳芳晨盆草吐青文魚跳波幽韻勝賞  
應接不暇他如山鳥水禽鳴蛙噪蟬時去時來皆屬佳客偶聞  
偶見俱觸天機此又吾園人物之勝也至於竹徑通幽轉人愈  
好花間迷洛壁折復還則吾園之曲也廣岫當風開襟納爽平  
亭待月濯魄欲仙則吾園之暢也出水新荷嫩綠刺眼映靑  
蔬遠翠浮空則吾園之鮮也積雨階墀苔蘚斑駁深秋霜露兼  
葭離披則吾園之蒼也怪石如人雋堪下拜閒鷗浴浪淡可爲

朋則吾園之韻也孤幽 夕陽曬網烟村酒舍竹杪出窺剔  
吾園之野也瀑瀉奔雷墜不到耳藤疑懸梗枝可安巢亭置危  
忒升從鳥道橋接斷岸度自懸空則又吾園之奇而險也園中  
之我身常無病心常無憂園中之侶機心不生城事不作供我  
指使者無語不解有意先承非我氣類者望影知慚聞聲欲遁  
皆吾之得全於吾園者也吾之園不以形而以意風雨所不能  
剝水火所不能壞即敗類子孫不能以一草一木與人也人遊  
吾園者不以足而以目三月之糧不必裹九節之杖不必扶而  
清襟所託即几席而賞已周也又吾之常有吾園而併與人共

有吾園者也。讀烏有園記者，當作如是觀。

桑田滄海，本屬無何。金谷玉津，同歸烏有。信乎斯園見諸實事，不若託諸空言之深切著明也。

修竹彈甘蔗文

沈約

渭川長兼淇園貞幹。臣修竹稽首。臣聞芟蕪蘊崇，農夫之善法。無使滋蔓，剪惡之良圖。未有蠹苗害稼，不加窮伐者。以尋姑蘇臺前甘蔗一叢，宿漸雲露，荏苒歲月，擢本盈尋，垂蔭合丈。階緣龍渥，銓衡百卉，而予奪乖爽，高下在心。每叨天功，以爲己力。風聞藉聽，非復一塗。猶謂愛憎異說，所以挂乎嚴網。今日某日，有臺西階澤蘭萱草，到園同訴，自稱雖慙杞梓，頗異蒿蓬。陽景所臨，由來無隔。今日某日，巫岫歛雲，秦樓開照，乾光弘普，罔幽不矚。而甘蔗攢莖布影，獨見障蔽。雖處臺隅，遂同幽谷。臣謂偏



辭難信。敢察以情。登攝甘蕉。左近杜若。江離。依原。辨覆。兩草各處。異列。同款。既有証據。差非風聞。切尋甘蕉。出自藥草。本無芬馥之香。柯條之任。非有松柏。後彫之心。蓋闕葵藿。傾陽之識。憑藉慶會。稽絕倫等。而得人之譽。靡卽稱平之聲。寂寞遂使言樹之草。忘憂之用。莫施無絕之芳。當門之弊。斯在妨賢。敗類。孰過於此。而不除戮憲章。安用請以見事。徒根剪葉。斥出臺外。庶懲彼將來。謝此眾屈。公然蔽天。私沾雨露。急宜剪除。毋使貽患。

甘蕉復彈修竹文

有引

吳從先

沈休文有修竹彈甘蕉文。托物寄憤。情見乎詞。其間不無可駁。擬爲甘蕉復彈之。

天祿閣。寧書臣甘蕉稽首。臣聞普天之下。紛紜皆王士之毛。並育之中。培植總天工之力。未有地德。獨私嫉妬生成者也。切立蘇臺。秩階有日。綠雲蔭秀。可裁翠袖。宮袍甘露。凝祥能蘊金盤。天酒雖非。梗梓之質。常濡斑管之資。敢曰蔽賢。乃蒙射影。今月某日。文園修竹。等黨結蘭。萱假稱貞幹。夫北堂愛日。依臺已自。要歡幽谷。生春當門。從來見忌。豈無忘憂之館。徒多同心之言。

而況修竹者拂翠籠大無風驚響出位輕噪沽直博名若謂宏  
普乾光則幽微必燭縱以草莽下賤何障蔽能私此君勁節何  
存小臣寬衣自廢臣今自揣苞苴作布可救蒼赤之寒風雨連  
宵未識君臣之藥懇將修竹蘭萱與臣同勸刻太和雨露恩澤  
知勻而姦黨吹求情弊立見臣雖不關梁柱之材而修竹等亦  
未成廟廊之用幸意天憲以飭臺端倘實臣之陰蔽臣願披處  
士之衫甘爲野人以自隱去而不與諸臣爭寵於天日也惟執  
事爲政

甘蕉障蔽固足糾參然若之修竹赤日行天午不知亦未聞

其歛跡爲之復彈並當翦伐

其...之...並...外

花神彈封姨文

尤侗

惜春御史管領錦宮城事臣女夷稽首言臣崛起蓬蒿叨沾雨露紆青拖紫佩玉懷金下帷天子之宮待詔后妃之苑殊央殿內坦腹三眠太液池邊回頭一笑恩承累葉澤及同根宜辭匪種之鋤豈受當門之伐今有吼天氏封姨者性成少女天糾兇比將軍跋扈蘭臺宋子曾笑為雌淇水莊姜亦譏曰暴夫人林下吹柳絮以紛飛宮女歌中翻木葉而盡落高臺送遠縹飛燕之榴裙曉夢催妝驚壽陽之梅額至於臣居東土遙隔馬牛胡為彼號南薰後使草木朝雲暮雨年誇十八風流葬玉埋香心

天...有...集...卷六

七

妬三千粉黛借。一百五日之勢播。二十四番之威晝。吟驚鷓之  
 鈴。夜擊移春之檻。飄搖玉葉。雕琢金枝。四香閣粉線摧殘。一捻  
 紅脂。痕零落。侵玉奴之步。蓮睡難成。舞小蠻之腰。柳眠不熟。貴  
 妃姊妹。九迴斷腸。杜鵑君臣兩行啼血。河陽一縣俱成席捲之  
 場。金谷滿園。並屬披靡之地。東風緩。西風急。胭脂國。沼作空桑。  
 南枝暖。北枝寒。芙蓉城。墟為烏有。若清友若雅友。若名友若豔  
 友。九族同夷。不恤芝蘭舊譜。如仙客如野客。如近客如遠客。一  
 網打盡。誰思魏李公門。楊家子陶家子。李家子波妾。顛悵委  
 地之翠。鈿烏衣郎。綠衣郎。金衣郎。格磔呢喃。悼成烟之紫土。試

問東宮學士何處鋪衲。却教西苑佳人徒勞翦絲。淒淒枯樹空  
 生。司馬之憐。小小春風。合受羅裳之罵。臣蓬因寐。直李代桃。儻  
 紅顏薄命。可勝綠珠之悲。赤芾傳家。痛青衣之辱。石屹寒膽。  
 難求二月之蟠。舶解飛魂。欲變三山之草。敢操木筆。略訴葵心。  
 恨視人如草芥。毒甚枇杷根。念言事非風聞。語殊捉影。伏乞詢於  
 菡萏。採其葑菲。戮飛廉於北海。逐爰居於東門。務遵五日之條。  
 勿犯三春之令。庶使薔薇含笑。棠合歡。霜菊延年。露桃銷恨。  
 挽子縮同心之帶。丁香解百結之眉。木槿欣荷於朝榮。金錢息  
 歎於夜落。則濯枝等惠。結草啣恩。敬伏青蒲。不勝踴躍。

封姨作妬萬卉吞聲今得悔庵為之洩憤想其下筆時自有  
天花繚繞

戲彈天孫封事

錢棻

亞。聞。離。次。有。罰。吳。剛。見。譏。於。斧。柯。無。欲。雖。難。玉。清。含。羞。於。旃。白。  
天。孫。分。精。紫。落。隸。職。錦。杼。冰。純。霧。縠。闔。闔。賴。其。文。章。瓊。碧。天。襲。  
庭。宇。傳。為。新。樣。當。此。白。露。初。團。風。心。散。萼。帝。霽。補。衣。時。藉。絲。綸。  
政。宜。濯。波。清。漢。祭。繡。黻。於。三。秋。製。美。編。珠。浣。璣。組。於。九。野。而。乃。  
鶉。馭。方。成。俯。同。卓。女。雞。鳴。言。邁。酷。頰。田。文。月。似。銀。船。遙。渡。凌。波。  
之。襪。星。如。玉。盤。驚。看。濺。水。之。裙。九。華。燈。暖。光。耿。帳。前。百。和。香。勻。  
警。來。嵬。底。非。神。女。而。洛。川。解。佩。異。幽。夢。而。巫。嶺。行。雲。寶。璐。舒。文。  
恣。清。歡。於。天。上。金。梭。暗。擲。喧。密。約。於。人。間。以。致。浮。瓜。沉。李。散。粉。

空庭結綵登樓。窺絲珠網。驪山宮畔太真。訂夫婦之盟。百子池邊。戚姬奏於闐之舞。宋帝穿針。變生氈幄。柳州乞巧。戲播詞垣。淫靡漸扇。戲玷實多。臣謹案天孫迹麗。清都魂縈。情海隔河。遙語疑聞。微歎之聲。望月警奔。又根別離之促。支機綺石。漫界漢槎。繡幄駢車。輕傳唐將。經緯無聞。徒學鶯鶯之繡衣裳。在倚但飛青鳥之書。貽羞天闕。宜致刑章。再案牽牛貞愧。魯男淫同。楚玉逃債。無臺盈盈。望斷瓊橋。有約馥馥。方來負輓。服箱輒抱。債轅之懼。遺簪綰帶。偏就倚玉之情。所當並付。貫索以肅紫雲。子既鳴河鼓。以攻其罪。當矣。吾欲決銀漢以洗其寃。何如。

戲為獅猫彈事

王世貞

御史府臣言某日某日據倉部校尉申稱部界中有剽寇龐氏。龐氏大小數十百。輦乘交緣。劫倉糧一千五百五十六石。有奇。見捕未獲。隨據左右。府游微申稱。少府夜出。不知何人盜去。一百餘事。踐醫損二百餘事。右前件地方。俱係刺姦大將軍執金吾苗。狡狴所領。某月某日。復據故納言以白衣領職。鸚鵡息男。吉了詣臺。訴列稱。故父鸚鵡。蒙天子異恩。待詔公車。日承顧盼。偶以忤旨。浮繫門下。省某日夜。分刺姦苗。狡狴來詭稱。有詔詰問未畢。輒將父衣裾擗扯。拔髮摘捶。血肉狼籍。致死身尸移。

置別居。鬻食至盡。惟餘破衣。視見存。蓋緣父賜。鵠存日。曾爲天子言。苗後。視過。惡致乘間。修郊。橫隔。非命。當日復據江北。新回化人。玄鳥。訴列。烏自離。葉北地。投誠。王化。荷主人憐念。赦將作大匠。爲置營居。第一所。大司農。給廩食。感激上恩。銜結。思報不意向者。爲刺姦苗。後。視帥領牙。從將。烏妻及二子。輒便撲殺。貴產蕩盡。托無所。臣欲行推對。緣係大臣。未敢擅便。勾攝。謹按刺姦大將軍。執金吾。苗。後。視。擁。檀。賤。材。支。離。小。器。謬。以。刑。似。獲。忝。非。常。既。列。牙。爪。之。官。復。寄。干。振。之。任。謂。宜。夙。夜。在。公。譙。何。姦。竊。蠲。省。嗜好。煎。滌。舊。疴。而。乃。大肆。豺。虎。之。威。自。如。犬。羊。之。性。齟。齬。命。吏。害。及。衣。冠。左。右。盜。臣。禍。深。城。社。音。梁。冀。帶。劍。入。省。尚。書。尚。能。此。奪。禮。齒。路。馬。有。誅。而。後。視。敢。於。禁。地。挾。讐。矯。僞。言。路。之。臣。白。起。挾。詐。妄。孽。杜。郵。之。誅。李。廣。殺。降。終。來。失。道。之。刎。而。後。視。貪。嗜。貨。財。甘。同。盜。賊。上。乖。天。子。好。生。之。德。下。閉。遠。人。慕。化。之。路。至於。仲。尼。不。欲。之。對。臧。孫。詰。盜。之。辭。上行。下。效。載。有。明。徵。瘵。職。曠。官。此。其。小。者。臣。又。聞。之。先。民。有。言。見。無。禮。於。君。者。誅。之。若。鷹。鷂。之。逐。鳥。雀。也。臣。居。閒。見。後。視。出。入。掖。廷。游。戲。自。若。或。小。遺。殿。上。或。臥。吐。車。茵。喜。則。搖。尾。怒。則。張。牙。惡。不。可。極。漸。不。可。長。臣。謹。以。劾。請。以。覓。事。免。後。視。所。居。官。收。付。廷。尉。法。獄。治。事。見。闕。仍。下。

三公尚書僕射以蜡日博選賁皇之裔廉謹勤幹者充之其為  
鬚鬣貌者置勿用一面督捕勦諸黨及根究兩廂失事狀以  
聞  
發姦摘伏詞嚴義正昇州此作諒應有感

鵲彈鶴文

徐孚遠

沉警將軍假御史中丞攝行臺事臣俊言臣聞國寶無用則華  
士充朝上獎虛浮則天工其曠是以聞人疑衆尼父嚴誅未敏  
亂邦諸葛太息事同罄手有異吹毛中散大夫建章宮監凌霄  
公禽皇托懷漫誕縱心隨放本無六廟之姿棲寄一邱之外詭  
情閒遠涉迹清流故使士衡虛襟長其光價羊公拊掌置之坐  
隅遂乃因緣華省倚藉當塗佩以金衣方作儀於近掖糜以潭  
粟屢分囊於大官乘軒之榮禮同衛日浴血之報事絕周年聖  
恩逾涯遺存齒錄小人多幸不知所裁加以高下在心睥睨人



物。噉。沓。之。口。不。可。聽。聞。歸。正。人。上。林。丞。兼。督。魚。梁。知。雜。務。麻。秋。  
雖。過。江。差。晚。本。異。荒。塗。卽。日。以。事。暫。入。尚。書。自。會。食。門。下。禽。臯。  
自。以。居。中。久。次。聲。望。猥。高。遂。迺。據。茵。推。案。深。懷。疾。憎。顧。叱。忿。詬。  
言。無。齊。限。灌。夫。罵。坐。吳。質。所。席。朝。議。等。之。市。人。有。識。以。爲。官。謗。  
臣。於。時。便。欲。露。章。啓。聞。緣。國。憲。宏。貨。恥。以。飲。食。鉅。人。抑。而。不。舉。  
臣。又。聞。禽。臯。外。托。誕。曠。內。懷。穢。鄙。逞。其。長。喙。盈。此。饜。心。飲。水。之。  
風。徒。聞。前。志。却。魚。之。節。有。愧。昔。賢。又。假。稱。青。田。倉。粟。係。臯。食。料。  
私。發。萬。石。有。奇。臣。頃。攝。倉。督。比。校。皆。有。左。驗。臣。聞。延。年。挾。詐。聞。  
鼓。毆。刀。孝。徵。乾。沒。應。時。受。杖。此。而。可。忍。何。以。執。憲。謹。案。中。散。大。

夫。建。章。官。監。凌。霄。公。禽。臯。執。業。無。取。呀。竊。非。榮。濯。飾。羽。毛。接。待。  
天。宇。矜。其。一。鳴。以。爲。檀。絕。左。顧。右。盼。意。氣。如。雲。醜。疾。之。聲。盈。於。  
朝。野。在。公。夙。夜。殊。不。關。懷。此。風。不。除。實。恐。有。扇。醇。和。長。茲。滯。蠹。  
臣。聞。天。威。在。顏。無。禮。必。斥。而。禽。臯。至。乃。散。髮。緩。步。矜。其。姿。制。疾。  
言。凌。遠。有。徹。宸。嚴。屢。舞。婆。娑。不。聞。過。闕。之。敬。高。臥。偃。仰。殊。無。警。  
露。之。心。豈。直。嗣。宗。清。任。見。禮。法。文。舉。踈。放。增。其。詆。訶。者。哉。臣。  
聞。黃。散。爲。士。人。之。華。選。侍。中。實。清。朝。之。峻。秩。而。禽。臯。居。常。快。快。  
性。復。憚。憚。八。直。栖。遲。多。懷。怨。氣。在。事。指。斥。不。諱。君。親。非。有。路。粹。  
顯。奏。之。効。實。具。會。宗。阿。隱。之。誅。今。秋。律。已。巖。鷲。將。擊。臣。謹。以。

勅請以見事免禽臯所居官收付廷尉法獄治事其在官賍汗  
及擅發公儲別攝治書侍御史依狀條勘臣誠惶誠恐死罪以  
聞  
鶴一也。仲宣賦之。庾信贊之。方生弔之。而茲復彈之。人之好  
惡不同。如是語云。避文人之筆端。真可畏哉。

壽域碑 有頌

王禹偁

古聖人之營壽域也。非土木非版築。不金乎城。不湯乎池。晝無  
鍵而闕。無析而擊。東西不吾胡夷。南北不吾蠻狄。五獄其雉  
堞。四溟其溝渟。天地離合。我其肩鑄。春秋啓閉。我其門戶。是  
域也。幼者蚩蚩壯者怡怡。老者熙熙。悉無中絕。咸躋上壽。故謂  
之壽域焉。得非道爲土木。德爲版築。仁乎城。義乎池。慈乎雉。堞  
變乎溝渟。蒸乎肩鑄。儉乎門戶。使風雨不能毀。矢石不能攻。高  
低律老氏之臺。廣狹法華胥之國。崇焉屹屹焉。信善建而不  
拔者也。洎霸道既昌。皇風不競。則必灑法令爲風雨。以驅之興

賦○役○為○矢○石○以○攻○之○壽○域○之○基○忽○焉○委○地○嗚○呼○域○之○壞○也○若○民○  
命○何○於○是○賤○穀○帛○貴○金○玉○盜○賊○蠶○起○數○斂○角○張○刑○巢○蔽○空○憲○網○  
絡○野○壽○域○之○民○有○以○法○而○死○者○開○拓○疆○場○肆○放○侵○伐○鋒○鏑○霜○  
卒○乘○鱗○集○鮫○吞○鼓○頰○蠶○食○祿○吻○壽○域○之○民○有○以○兵○而○死○者○烟○  
霧○障○發○厲○成○妖○壽○域○之○民○有○以○天○而○死○者○山○龜○搏○人○水○蟲○射○影○  
壽○域○之○民○有○以○橫○而○死○者○王○者○患○民○之○無○壽○也○舉○引○年○之○典○行○  
養○老○之○禮○乞○言○於○東○序○展○禮○於○南○庠○又○謂○老○者○非○帛○不○  
養○於○是○乎○錫○之○以○繒○綵○非○肉○不○飽○於○是○乎○錫○之○以○  
殺○敵○非○車○不○安○於○是○乎○錫○之○以○几○杖○斯○亦○得○其○末○而○失○其○本○矣○  
殊○不○知○民○之○壽○天○繫○

君○之○政○教○其○猶○影○響○爾○其○或○捐○金○於○山○沉○珠○於○泉○禁○不○急○之○務○  
棄○難○得○之○貨○君○德○尚○儉○人○心○返○淳○則○無○法○死○者○矣○干○羽○舞○階○戈○  
矛○倒○載○謹○不○祚○之○器○崇○止○敵○之○基○我○國○無○外○斯○民○不○爭○則○無○兵○  
死○者○矣○燮○和○律○歷○端○正○節○候○舉○授○時○之○典○與○除○害○之○利○五○穀○豐○  
順○兆○人○克○寧○則○無○天○死○者○矣○貢○金○於○遠○方○鑄○鼎○於○中○夏○示○不○寶○  
之○物○免○逢○崩○之○患○伏○怪○斯○露○歎○人○用○東○則○無○橫○死○者○矣○夫○如○是○  
則○域○不○築○而○自○成○人○不○憂○而○自○壽○矣○今○我○后○道○德○慈○愛○行○之○於○  
上○法○兵○天○橫○絕○之○於○下○游○游○乎○蕩○蕩○乎○見○壽○域○復○成○於○今○世○某○  
亦○壽○域○中○之○一○民○其○知○我○帝○力○得○無○述○焉○碑○者○悲○也○悲○域○之○中○

廢頌域之再興也其辭曰  
古之域桑道樹德民欲天兮安得後之域基茲址賊民欲壽兮  
不獲我聖人分復於古昔  
同一地也而壽夭迥異撫今懷古頌不忘規語能轉移世教  
非徒風雲月露之詞

反金人銘

孫楚

吾太廟有石人焉大張其口而書其胸曰我古之多言人也無  
少言無小事少言少事則後生何述焉天惟立言名乃長久胡  
為塊然生鉗其口凡夫貪財烈士殉名盜跖為濁夷柳為清鮑  
肆為臭蘭圃為馨莫貴澄清莫賤滓穢二者言異歸於一會堯  
懸諫鼓舜立謗木聽采風謠惟日不足道潤羣生化隆比屋未  
葉陵遲禮教彌衰承旨則順忤意則違時好細腰宮中皆饑時  
悅廣額下作細眉逆龍之鱗必陷斯機括囊無咎乃免誅夷顛  
覆厥德可為傷悲斯可因戒無妄之時假說周廟於言為崔是

以君子追而改之

周廟金人緘口銘背多言多敗此理之常子荆反其說專為阿順取容者垂訓

擬班定遠平西域銘 并序

李 雯

大漢神德不奕遂開玉門用臨西國西域都護班超擁龍豹之  
深姿揚雷霆之遠聲張翼絕域據峙吞要高謀及神畧不資衆  
痛邊庭之創靡閔遐征之騷蹶追營平之堅圖奮甘陳之奇策  
伏尉擢於輕選開胸腹於異族虎士驚發樽俎不易戈戟所絕  
願艾既沃用能章殊威播大號殲維渠震荒查天子照燭萬里  
心嘉厥誠飛蟲不萌武節克竟遂躡蒲類轢葱嶺越葦橋迄懸  
度二十有二年環實之所餌食牙鏃之所春擊叱呼之所楷桎  
邊聲遐驚五十五國咸來賓塞拓武皇之大跡餘威駭於遠方

金戈戟而猶矐雷鼓鬱而思肆然而大將哉武德茂宏澤均惠  
氣之依被明大漢之隆廣晴鑽細而不親何篤逆而不馴哉於  
是白山沈塵秦海息波高旌攄於柳中烽檄靜於烏壘詆貳師  
之費士異廬山之為壑而天誅不逋遐取輯睦 繩行沙度於  
荒廣爵馬符拔於圉邊吏開關而高睡旃使窮海而繪奇鏢哉  
大漢之休德天子任賢將之所肇也遂為銘曰  
塞狼轟兮揮天外截崑崙兮靈鑿鑿定 索兮昭所太豁何幽  
兮謁梗莽騰萬里兮神風沛勅葱極兮枕河源奠億禩兮懽聲  
禮

奇功偉績自應勒石垂名何燕然若是而西域未聞想定遠  
之勞謙乃爾此擬文氣崢嶸句調高渾堪與孟堅之銘並傳

文家者長沙劉蛻復思爲文不忍棄其草聚而封之也蛻愚而  
不銳於日工之技天不工蛻也而獨文蛻焉故飲食不忘於文  
晦冥不忘於文悲戚怨憤疾病嬉遊羣居行役未嘗不以文之  
爲懷也近當無事而天下將以文爲號文明代生植晦明皆効  
文用故日月星辰文乎旂常魚蟲鳥獸文乎彝器徐方之士文  
於侯社夏翟之羽文於旗旄登龍於章升玉於藻百工婦人雕  
礪染練以供宗廟祭祀之用豈獨蛻也生知効用不及時文哉  
然前意嘗獲助於天而不獲助於人故其窮雖窮無憾也當勤

梓州兜率寺文冢銘 并序

劉蛻

文家者長沙劉蛻復思爲文不忍棄其草聚而封之也蛻愚而  
不銳於日工之技天不工蛻也而獨文蛻焉故飲食不忘於文  
晦冥不忘於文悲戚怨憤疾病嬉遊羣居行役未嘗不以文之  
爲懷也近當無事而天下將以文爲號文明代生植晦明皆効  
文用故日月星辰文乎旂常魚蟲鳥獸文乎彝器徐方之士文  
於侯社夏翟之羽文於旗旄登龍於章升玉於藻百工婦人雕  
礪染練以供宗廟祭祀之用豈獨蛻也生知効用不及時文哉  
然前意嘗獲助於天而不獲助於人故其窮雖窮無憾也當勤

意之時不敢噓不敢咳不敢唾不敢跛倚嗜欲踈競忘之於心  
其祇祇畏如臨上帝故有祭如星光如貝氣如蛟宮之水又  
有黠如屯雲如久陰如枯腐熬燥之色則有如春陽如華川透  
透迤迤則有如運海如震怒動盪怪異夫十爲文不得十如意  
少如意則豈非天助乎常欲使天下聞之而必行勸之而必蹈  
散之茫洋以爲道演之浸潤以及物然後爲農文之使風雨以  
時兵文之使戎虜以順文於野文於市使得其所幽隱之士以  
出口者使之信材者使之用然而自振者無力終知者甚稀豈  
非不獲於人助乎嗚呼十五年矣實得一千一百八十紙有塗

者乙者有注楷者有覆背者有硃墨圍者於是以周易筮之遇  
復之同人筮者曰嗚于地中殷殷隆隆七日不復復來其天下  
詔融乎它日更召龜而令之將聽襲吉卜於火如秦兆惟曰不  
吉卜於水不成乎河洛兆則亦惟曰不吉卜於木而闕闕土叶  
吉累累爲氣則液之兆乎峭峭爲壁則魯之兆乎且其古曰土  
之文爲阿山爲華英將不崩不竭爲滋味而傳乎結爲邱陵爲  
其設險乎融爲川瀆率其朝宗乎華爲百穀以潔祭禮之盛盛  
乎不然使其速腐爲墟壤生芻糝以食牛羊乎化塗泥爲甕陶  
以作器乎將塊爲五色而分封茅社乎流爲樂爲土鼓爲古柷



以。其。和。聲。乎。夷。為。都。邑。以。興。宮。廟。坎。為。滄。池。以。澤。生。植。乎。祀。  
為。境。竈。乎。窾。為。井。臺。乎。吾。皆。不。得。而。知。也。嘗。既。不。得。為。吾。用。惟。  
速。化。為。百。工。之。用。慎。毋。朽。為。芝。菌。以。怪。人。自。媚。慎。毋。堅。為。金。鐵。  
以。作。貨。起。爭。慎。毋。滴。為。醴。泉。以。味。乎。詔。口。慎。毋。禱。為。城。社。以。狐。  
鼠。憑。妖。慎。毋。聳。為。良。材。以。雕。斷。傷。性。慎。毋。萌。為。蘭。茝。以。佩。服。見。  
褻。嗚。呼。介。而。為。石。使。之。服。言。舒。而。為。蠶。使。之。飲。泉。既。而。他。年。遊。  
魂。之。未。返。者。亦。命。巫。以。巾。三。招。之。號。曰。在。几。閣。而。來。歸。兮。視。不。  
汝。醜。在。口。吻。而。來。歸。兮。譽。不。汝。久。噫。筆。絕。之。年。而。麟。見。崇。文。其。  
無。崇。乎。哈。非。珠。玉。歛。無。裙。襦。後。世。詩。禮。之。儒。無。驚。吾。之。幽。墟。其。

塚。也。在。莽。蒼。之。野。大。塊。之。邱。時。大。唐。大。中。之。丁。卯。而。戊。辰。之。季。  
秋。銘。云。

文。乎。文。乎。有。鬼。神。乎。風。水。維。貞。將。利。其。子。孫。乎。

以。文。為。塚。將。古。今。長。短。同。為。一。穴。吾。恐。風。雨。驚。而。鬼。神。泣。也。  
篇。中。一。擬。其。為。一。戒。其。毋。為。是。皆。不。可。知。然。吾。以。為。心。血。所。  
成。三。年。定。當。化。而。為。碧。

詩塚銘并引

宋 濂

番有奇男子曰魯修學詩存先生先生以文雄江東獨才  
 修修有詩朋十人皆緣情善賦然數罹兵燹修懼其詩失傳  
 塹埴為甕刻瘞芝山中瘞已請太史宋濂勒銘其上銘曰  
 河清嶽明效坤之靈何鞋綬兮烏文龍章於祭其英昌厥辭兮  
 冥智歛真返詣至神種黃墟兮洩為醴泉三秀千眠合貞符兮  
 番山可夷番川可移道如初兮  
 漢寢唐陵無麥飯詩傷之矣不若此銘垂之千古與冢俱傳

筆塚銘 并引

尤侗

智永有舊筆頭數石瘞之號退筆塚情無文以傳予補銘焉  
當令秃翁點頭莫怪老僧饒舌

嗚呼有秦中書封於管城歷代國史久著勳名渙號彤廷馳檄  
沙漠泥玉名山合香秘閣三花迭耀五色齊芳象齒簪盃鼠鬚  
戰張直哉如夫六武加徵以衣以食畊此研田身隱焉文功成  
者去難進易退得新棄故猶彼湘管金玉其相珊瑚作架翡翠  
爲牀昔口青鏤於今黃上寂寞兔園彫零孤柱香薰自燒膏火  
自思不挫其銳遂天天年是墨磨人非人磨墨千秋作者有如

此筆

智永爲右軍七世裔以善書名人往求者門限缺穿獨惜無  
文以傳耳悔庵補之不夢白雲定授綵筆

文苑四先生歌

鍾鼎

側嘗燃藜誦六經。孰豁我迷牖。我靈我惟墨卿楮客。優游筆硯  
困東壁西垣。恍鴛繡。只今廟廊爭劍戟。同寅協恭。誰相益。何期  
文苑四先生。相得益彰。真莫逆。材之不同。如其形。用之相成。更  
無隙。石渠天祿。繫誰供。惟四先生共晨夕。四先生兮。繫何宗。著  
蹟詞林。光簡冊。毛穎乞靈。韓昌黎。蘇傳羅。文稱萬石。爰及二友。  
推同心。陳知玄。兮楮知白。穎曰孰有石。好安跬步不移。守繩尺。  
石曰孰有穎。好勞齷齪。其形隨地擲。陳公笑向楮生言。皎皎易  
汙。卿宜惜楮云。公不我加。汚我終皓皓。其潔澤相憐。之下復相

嘲相調之餘還相適。我聞同曹異用兩不妨。安勞污潔自交襄。  
我藉陳玄爲鑿甲。毛穎爲我作劍鉞。石因現出城池山海布其  
前。楮復陣列九宮八卦成。方圓僅僅文壇片席耳。竟已具此千  
秋不朽之鴻編。玄兮穎兮洵屬鴻編之首唱。石雖端坐亦相嚮。  
石君之側爰有楮敷之四方。丞相尙文壇主人品次尤慙慙。蓮  
花池畔共談玄。石胡方正更堅確。筆濡墨蘸毫無愆。不磷不淄  
惟汝肖。埒之珪璧鎮浮漂。坦夷瑩淨惟楮賢。文明基本由來耀。  
賦性輕薄汝不避。卽墨之姿賴汝寄。誰云墨氏非吾徒。我祖蒲  
軒璞隱誌。知白守黑老氏遺。摩厲以須良有試。試問筆削爲誰

功。毛氏中書業。曾隆言無不納事。惟錄默而識之。開羣蒙。曷爲  
羣蒙久未破。五色青鏤不成夢。我欲擲筆焚硯去。墨卿楮客願  
以殘膏餘瀋沃。迷衷我思與潔就正也。摩頂盡心圖。厥終爲問  
墨。戈筆劍廟廊。上何以硯北休休集。素忠我得四先生。兮我不  
孤。四先生得我兮亦成五君。不見古來天祿石渠誦。寶露東壁  
西垣兮同寅。協恭作帝輔。  
舌劍唇鋒化而爲筆歌。墨舞四先生亦將遜。玉鉉一籌

形影神三詩有引

陶潛

貴賤賢愚莫不營營以惜生斯甚惑焉故極陳形影之苦言  
神辨自然以釋之好事君子共取其心焉

天地長不沒山川無改時草木得常理霜露榮悴之謂人最靈  
智獨復不如茲適見在世中奄去靡歸期奚覺無一人見識豈  
相思但餘平生物舉目情悽而我無騰化術必爾不復疑願君  
取吾言得酒莫苟辭

形贈影

存生不可言衛生每苦拙誠願游崑華貌然茲道絕與子相遇  
來未嘗異悲悅憩蔭若暫乖止日終不別此同既難常黯爾俱

時滅身沒名亦盡念之五情熱立善有遺愛胡為不自竭酒云  
能消憂方此詎不劣影答形

大鈞無私力萬理自森著人為三才中豈不以我故與君雖異  
物生而相依附結託善惡同安得不相語二皇大聖人今復在  
何處彭祖壽永年欲留不得住老少同一死賢愚無復數日醉  
或能忘將非促齡具立善常所欣誰管為汝譽甚念傷吾生正  
宜委運去縱浪大化中不喜亦不懼應盡便須盡無復獨多慮

神釋

既託於酒以自晦復指出善以勉人真所謂獨行不愧者

擬織女贈牽牛

沈約

紅粧與明鏡二物本相親用持施點畫不照離居人往秋雖一  
照一照復還塵塵生不復拂蓬首對何津冬夜寒如此寧遽道  
陽春初尚忽云至暫得奉衣巾施衿已成故每聚忽如新

代牽牛答織女

王筠

新知與生別由來儻相值如何寸心中一宵懷兩事歡娛未續  
縈倏忽成離異終日遙相望祇益生愁思猶想今春悲尚有故  
年淚忽遇長河轉獨喜涼颼至奔精翔鳳軫織阿警龍轡  
誰謂河廣曾不容刀一水相思盈盈望斷雙星之所欲言而

思寄者二公代為擬之情直詞肯何必織錦迴文

燕正言贊

林洪

愛身而退避。固寵而膠滯。皆不足以居敢言地。以馨德聞。其惟燕氏。既剛且和。而清而麗。實於王所與。黯何異。有所言言必正。其彼黃與朱。實同厥。徒簡在上心。雖鮮用。諸然或時贊一言。亦相觀而善之。謂摩之意與。

朱檢正贊

羅先登

朱與墨氏實同途。異用世。以朱墨並稱朝家。以墨位上卿。先拜正言。而朱尚置散地。一日同召至上前。朱從容曰。朱也。當御。帝曰。俞墨氏常縷數萬言。非卿點勘得無。續彤霓聲韻之誤耶。



止言石書檢正赤心質雖不同而用各有效於此可悟隨才  
審便之法

般若神丹頌

失名

因病思藥廣求方術首烏地黃杞菊耆朮晨斯夕斯服之恐失  
此但色身扶持朽質陽生脾健其力已極欲除心病脫胎換骨  
般若靈丹六波羅密藥料無多不煩價值匪自外來不從口入  
還自心生希微一粒蘊諸胸中加以火力密密綿綿孳孳矻矻  
恐犯藥忌時加懷懔先除昏散雲開日出漸斷入我心言但直  
此爲小驗藥力未卒莫問如何朝朝夕夕或服一七或服千百  
時至力行沉痾自訖妄盡還原一生事畢經驗神方世藥無匹  
信受肯服卽自今日刀圭羽翰是事甚疾若別求醫妄試匪實

是丹氣醇味正不必眩眩而厥疾已瘳予得之般若院中石  
刻乃嚴廢翁所書俞企延所跋也第不知何人所作錄之以  
備一類。

